

瑜伽師地論記

卷十

七



上闕一紙十四行

重云甚深甚

深廣形二二二二

仁他俗諦

第四依處中基師云言諸法相義者相謂能詮之名義謂所詮也則  
師古言顯除意趣等者謂能顯密意除他疑心也第五依處中云於  
一切法者謂三藏教法也法無礙境義者義無礙境釋詞詞無礙境  
品類并無礙境也 論菩薩哀愍至五相果利 記曰哀愍果利中  
初明果利次引說證成後結前中初明自利斷怨害等二普於下利  
他引說證成中測言如經中說順慈福利有十一種卧安覺安天護  
非人愛不遭毒害不值刀兵水火不喪眠無惡夢死生梵天在所得  
利勘花嚴經又解脫道論明脩慈有十一功德一安眠無驚悸二覺  
安無惡相三無惡夢四為人所愛念五非人所愛六諸天所護七火  
毒刀杖不如其身八心速得定九顏色光澤十命終心不乱十一未

得勝法生於梵天 論云何五相至應如實知 記曰次第相攝及

結文也

論本地分中至分品第二 記曰梵音薄文此語含

三義一分位義二分類差別義三翼義舊名翼品者謂行四法能速  
得果猶鳥依翼速有所到今即從彼在家出家二分菩薩標名分品  
五相所依不離在家出家二分故相品後次論分品 論在家出家  
至無倒迴向 記曰文中初開列章門二依四章次第解釋三總分

論攝十 三 乘

別 論云何菩薩至皆得究竟 記曰初乘可知解方便善巧中

如前即此菩薩地中等者前四如十二方便中說第五如因明處

第六如戒品第七如五願中後三文處非一近如菩提分品中說隨

其種姓根等者三藏古種子名姓現行名根 論云何菩薩饒至應

知其相 記曰解饒益中云能與一切有情利益乃至一分安樂一

分俱有者基師云即此四攝事一一皆有益安樂亦得雖施彼時  
令發心等是利益既得物用是安樂等如是乃至一一皆具有唯知  
若不尔利行愛語隨增說利益布施是安樂同事是通二同為善惡  
故 論云何菩薩無至正等菩提 記曰無倒迴向中三門者謂即  
善脩事業一方便善巧二饒益於他三也 論世尊所有至甚大高  
勝 記曰攝分別中有二初明此四普攝在家出家所學法盡第二  
明在家出家雖復同脩四事而勝劣大異出家菩薩能行鉤鑠梵行  
者基師云鉤鑠意取相拘礙義出家之人有所禁約防惡三業故如  
鉤鑠在家菩薩即不如是也 論本也分中至增上意樂品第三  
記曰此中通明入發心諸菩薩意樂有利他七種及自利利他十五  
種從此標名前明相品分品並是行法所起起行必從意樂而生故  
分品後次明意樂若依攝論欲及勝解為意樂若依莊嚴欲及思

為意樂性基法師云此中有增上之言以唯在地上依文助義通地  
前有無妨 論云何菩薩至作十事應知 記曰文中初問後答  
中初有一頌開列章門第二長行已去依章解釋頌中上半將列利  
他七相憐愍下半總舉十五意樂及意樂作事 論謂諸菩薩至極  
善意樂 記曰就長行釋中分二先解憐愍次解意樂前中云具憐  
愍故名善意樂等者景公云七種憐愍當知即是慈悲虛想慈悲即  
無患為性真實慈悲智惠為辨亦可七種還是意樂與憐愍相應故多  
憐愍愍師云勝解與無嗔俱從助伴名為憐愍刻辨還是勝解又解  
經論稱名不定或有說智名為大慈如實想觀或有當法如虛想觀  
中喜無量言謂終不以非法等者謂不以十惡非法非律非賢善行  
及外道邪結非理之虞勸發有情言是名無滌亦名無緣者基解不  
析恩報名無滌不析後果名無緣又二種皆名之際滌通報恩及後

故問果故緣亦通之

論當知此中至十五俱生意樂

記曰第二

倫顯十

集

二意樂中分四初弁駢列名第二解釋第三明十五意樂能作

十事第四結攝明利十五中前之七種從境為名次有三種從義為  
名後之五種從位受辨 論謂諸菩薩至善安立故 記曰言又諸

菩薩不清淨意樂是即名為應調伏意樂等者地前未證法但現神  
通等而調伏之入地以去自證真如脩習多劫神通與身俱生故清  
淨善清淨意樂是俱生意樂以清淨意樂性成善清淨安立故 論如是

菩薩至正等菩提

記曰後二文也

論本地分中至佳品第四

記

曰住者何義即因十二住能住所住有為無為菩薩住中故名為住  
此中廣明故名佳品前來廣明菩薩衆行行必依位是故意樂品後  
即明佳品 論如是始從至能淨脩治 記曰於此品中先牒前開

後舉數列名後問答解釋前中三段一牒前二生後舉數三者列名如是始從種姓具足廣說乃至於如所說菩薩所學正勤脩學者此牒第一持中十八品從初種姓乃至功德品是於如所說菩薩諸相正等顯現者言此持中第一相品於諸菩薩分加行中正勤脩學者是分品於如所說菩薩意樂者是意樂品 論諸菩薩衆至名無上住 記曰生後舉數也於中初舉菩薩住次舉如來住 論云何菩薩至我今當說 記曰列名中初舉二頌第二長行屬當增上惠三住中云謂諸菩薩如實了知能觀真實等者謂道品是能觀四地觀彼能觀道品諸諦是所觀五地觀所觀也六地菩薩觀知衆生由迷無智故衆苦流轉由諸有智衆苦止息第七地中真觀相續名無間缺斂亦緣俗多住真如名無相住基師云非無有漏心隔而以多無漏觀相續為論故言無間非實無間也第八地中真俗並觀名無間

十第卷記論地師伽瑜

缺偏從真觀名無相住善戒經云不見菩提及衆生相故言無相  
論云何菩薩至菩薩種姓住 記曰第二問答解釋中初略次廣略  
中分二初別解釋後總分別解種姓住中云何菩薩種姓住者問種  
姓辨云何菩薩住種姓住者問能住人答中即以三義通答前兩問  
初性自脩福二明已具佛法種子三明性離塵垢無間業等前中景  
公云謂諸菩薩住種姓住性自仁賢成就乃至衆多善法者成種子  
也於彼現行亦有顯現者十信已前在流轉位由種姓力令彼行者  
數起福分善非起解脫分善若起解脫分善即入十信即是解行住

伽瑜

五

東

非種姓住故下文申明解行住云從初發心乃至未得清淨意樂所  
有衆行一切皆名勝解行住故知種姓住中所起衆善並是福分非  
解脫分由性仁賢過遣方便至非由思擇等者由種姓力遍脩福分



善等測師云菩薩所應衆多善法於彼現行等者有兩解初云十信  
已前菩薩名住種姓住約未發心前於福分善根中所應現行者依  
彼亦有能現行義若已發心即不現行二云十住菩薩亦名種姓住  
所應善法者即是有漏六波羅蜜若依前解與攝論取不同攝論約  
三僧祇分為三位五人依此三位五人為十二住彼種姓住據已發  
心此云種姓是未發心故不相當三藏勘梵本攝論全無十二住文  
故不須會釋據攝大乘論亦是住文驗知真諦三藏所翻譯也次云  
住持一切佛法種子於自幹中者景公云此語是摠於所依中已具  
足有者此就別指即賴耶中持彼種子名所依中測師云此與上明  
種姓中六入殊勝展轉相續無始法尔其義一也於自幹中所依中  
猶是攝論依本識中也種子所依有二一真實理門即依阿賴耶二  
隨轉理門即依五蘊身住次云性離塵垢乃至造無間業等者景公云

第十卷 記論地師伽瑜

種姓菩薩雖復在凡流轉不起猛利戲嗔造五無間業邪見斷善但  
闍王煞父違多出佛身血等者並是久學菩薩權現同凡引接造五  
逆人令其改悔泰師云種姓有二一性種姓謂無始凡夫有大乘姓  
者亦造無間斷善二習種姓謂在十信前發菩提心及十信位今明  
習種姓故性離塵垢 論云何菩薩勝至如是差別 記曰勝解行  
中云從初發心乃至名勝解行住出其行位測師云述兩釋一云十  
信已上皆名發心位一云十解已上方名發心言種姓住中於餘十  
一及如來住唯有因轉攝受彼因等者即對前後以弁差別景公云  
謂種姓住中唯成餘後住因未起現行發趣行也斯知前說種姓住  
中現起衆行但是福分頻得頻淨者遠法師云菩薩諸住漸得漸淨  
至如來住頻得頻淨教行頻成故名頻得證得頻顯故名頻淨何者彼  
菩薩住住別所治有無量品如來住障唯有一品故有差別測法師

云得諸功德名為頌得離諸過失名為頌淨若就現行不能頌行能  
據成就故言頌得 論云何菩薩極至佛所作事 記曰三等可知  
無礙解住中云能於諸法異門謂法弁義趣義弁釋詞詞弁差別弁

倫第十

六

五

才弁即四弁才也 論又諸至終無退轉 記曰略中別弁訖自下  
提明提明有二一明所作不同二明勝解行等於證無相有其差別  
所以不說種姓住者此中但欲弁發心起行相初住無此相故更不  
釋之勝解行住所作狹小者遠法師言起行尚少故名狹不能常行  
故名缺行心不堅故名不定逢緣便失故名有退景公云所起衆行  
未證法界名所作狹小未能離過名有缺有起不起故名不定地前  
是異生位提名有退極喜等六地行稱法界名廣大離過名無缺常  
起衆行名決定證理名不退七地名初無相八地名第二無相七地

瑜伽師地論卷第十

已還但於一一行起一切行八地已上一切行中起一切行故名無量七地功用後邊隣第八地相從摠說名為無量基師云所得有退者顯前不定也又不定者所作不終有退者不能終進又不定者尚性猶預有退者不能勝進故退也 論又諸至當知領受 記曰無相差別中若依舊論但有四句以二無相住合名脩淨故此論五句一於地前未能正證無相真如但有發趣二前之六地於無相住雖脩而未能圓滿故言獲得三第七地名圓證者此有兩釋一云初三地相同凡夫四地道品五地四諦六地緣起隨事別觀無相不圓第七地中捨前六地諸相入七地十種殊勝行故言無相圓滿如後廣說一云就實以釋前之六地入真觀時少起俗觀時多不名圓滿第七地中入真觀時多出觀時少故言圓滿又於此地真俗雙行故言圓滿四第八地名清淨離功用故五九地十地名脩果領受者以脩行

滿故但能領受景公去以後二地真俗並無功用是無相脩學果

論問勝解行住至何相

記曰自下第二廣明於中亦二先別後按

前中不說初住意者義如前釋就明勝解行住有二初并行狀相後  
判三品忍前中即有問解結也何行何狀何相者三藏去行即是狀  
狀即是相名異義一也測師又述兩釋一云住別有三時異故問行  
狀相如次配之一云見相名行自證名狀證自證分名相今勘舊論  
但問有何行相又下答中無別解三還依三藏本言 論答勝解行  
住至未能無量 記曰解中有二初別明勝脩未成後明勝德未具  
前中文有九番初由思擇方能脩作未能住運成辦勝脩勝脩是定  
因定所生神通等果亦未能得者未得根本定故未越五怖畏者基師  
去准下對治五怖等所治是此怖躰此以何為躰不活畏以我見及

十第卷記論地師伽瑜

我愛資生愛為躰故下云由脩無我智分別我想尚不復轉況當得  
有分別我愛或資生愛故知以我見及愛為躰第二惡名畏以貪欲  
為躰故下文言由於他所無所希望常自發起如是欲樂我當饒益  
一切有情非於有情有所求覓由是因緣無惡名畏故知以貪欲為  
躰第三死畏以我見為躰故下文云由離我見於我無有失壞想轉  
故無死畏明知以我見為躰第四惡趣畏以癡為躰故下論云自知  
死後於當來世決定值遇諸佛菩薩由此決定無惡趣畏五處眾法  
畏以癡為躰故下論云由意樂見一切世間尚無有一與我齊等何  
況殊勝是故無有處眾怯畏此所治以癡為躰也第二信他已下明  
信他故作未自了知第三成就狹小下明五根未滿成就狹小聞所  
成智等者明惠根未滿或時忘失者念根未成苦遲通行者定根於  
大善提無猛利樂欲者此顯欲無熾然精進者明勤根無有甚深牢

固淨信者是信根四於三處有忘失念五聰惠下念惠不定言或於一時具足憶念或於一時成忘念類者基師云有憶得不得故名忘念類非全忘念故言類也第六於諸有情下不如實知自利利他種種方便第七或於一時於大菩提下明二利行進退不定由思擇故欲令他樂者自利即易利他事難要由思擇第八於諸菩薩所有違犯下明數有犯猶預疑惑第九於諸有情遠離大悲論於如上說至諸行狀相記曰上來明勝脩未成訖下明勝德未具文有四番一如上說初持十八品圓滿得中未能普學二如上說相品五相未能成就三於分品在家出家二分加行未等顯現四於意樂品十五意樂猶未清淨乃至於其熾燃無動妙善菩提分法未能成就論是諸菩薩至無餘永斷記曰第二判三品忍中文分為三初判解行住為三品次對此弁入後住後釋通外難言下忍轉時如上所說

第十卷 瑜珈師地論記

狀相上品等者景基同云謂前所說地前過失在十信位名下忍時  
此過是上品在十解十行時名中忍十迴向等名上忍其過即中下  
品泰師云勝解行住有十解十行十迴向即為下中上三品忍 論  
從此無間至淨勝意樂 記曰次文中云由得方便極喜住中勝解  
行住所說諸法皆無所有等者由方便得極喜住故地前諸法皆悉  
不現初地白品皆悉顯現此捨躰得躰轉名淨勝意樂者捨名得名  
論勝解行住至淨勝解轉 記曰第三釋難難言地前經於一僧祇  
劫伏惑淨脩云何不名淨勝意樂故此通云解行住轉時雖有少分清  
淨勝解而未得名清淨意樂為由煩惱染污而轉極歡喜住即不如  
是 論問極歡喜住至極大菩提 記曰歡喜住中初問次解後結  
解中有八初明六決定為諸地躰二明四相發心三明發心起精進



引發正願四明十種淨脩住法五明開曉餘住六明脩治善根七明  
受生八明威力於此八中初一段文明諸地終後七明相菩提自性  
者二斷二智也菩提方便者六度地前六度未亡三輪隨他而轉除  
捨彼故發起六相新善決定者揔舉數也純決定相入地創證名為  
新善若依舊論有一二等數十地論云初名觀相善決定真如觀一  
味相故如經無雜故二真實善決定非一切世間境界出世間故如  
經不可見故三勝善決定乃至如經廣大如法界故四因善決定有  
二種因一成無常愛果因善決定是因如虛空依是生諸色色不盡  
故如經究竟如虛空故二常果因善決定得涅槃道如經盡未來際  
故五大善決定隨順作利益他如經覆護一切衆生界故六不怯弱  
善決定入一切諸佛地不怯弱故如經佛子是諸菩薩能入三世智  
地故此中初云內證脩性菩薩大願超過一切餘白淨願者景公云

謂無分別智內證發心一味無雜故超餘願是彼第一觀相基師云  
謂願成菩提無雜願也即以得後智觀為也二云無等不共果等者  
下不能齊故名無等不與下同復名不共是彼地前脩習所成故名  
為果雖同世間超世間境如經不可見故此即彼中第二真實善決  
定三云隨救一切有情苦故不共一切聲聞獨覺者景公云是彼第  
五大善決定測師云是彼第三勝善決定四云雖一刹那乃至可愛  
之果者景公云是彼勝善決定測師云是彼第四因善決定五云又  
此大願無變無盡等者景公云是彼第四因善決定測師云是彼第  
五大善決定基師云地論第五大善經云覆護一切衆生界看經形  
勢當此次第三隨救一切有情者是彼第三經言廣大如法界是此  
第五謂得無盡之願不可退轉廣大如法界也六云又是勝分墮後  
邊際極大菩提者即彼第六不怯弱決定謂此願是勝分能墮後邊

際能窮大極菩提入三世智地三世智地即佛果也得大菩提能不  
怯也不於大菩提而生怯弱基判六中前三是後得智後三通二智  
也 論如此菩薩至菩薩發心 記曰第二明四相發心中分三一  
明四相發心二釋歡喜義三釋離彼五怖所由前中初標問勸知後  
次第解地論釋經相文即攝為二初住安住合作說分入分名初住  
住分名安住地滿分名校量勝分即是出分就說中有三一住分二  
釋名三安住住中差別有四十句分四一依何身二為何義三以何  
因四有何相與此論四相大同意所異者彼中何身者初地發心依  
初地身此中明解行人所以然者此中欲明十三住次第相生故解  
行為發心人也此中何相發心者問發心躰相何所緣慮者緣何境  
齊而發心耶何狀何相何自性起者問發心狀及以自性准下答文

云初地菩薩速疾發起菩提資糧隨順及利他所作隨順及二果隨  
順發心狀廣大願心者答何自性起也有何勝利者問其勝利  
論謂諸菩薩至如來聖種 記曰次第解中即為四段其初二相印  
有結文第三四相無結文也初明何相發心謂已超地前十地經中  
厚集善根等十句以明依身初句是總餘九是別第二明何所緣慮  
謂即四圓滿初句自利因第二利他因第三自利果第四利他果地  
論云為何義故生如是心經曰為得佛智故等有十句初一是總句  
餘九是別句此中因果義合十句第三明發心相狀文亦四句地論  
云以何義故生如是心經曰是心大悲為首等有十句即以大悲為  
總句餘九此中差別第四明勝利地經有九句文明八種過過凡夫  
地量第一是總句下八句是別此中云證入菩薩正性離生者是第  
一入位過生如來家者是第二家過成佛胷子者是第三種姓過如

外道說婆羅門種從彼梵王心胃而生今說菩薩從佛胃生決定趣  
向正等菩提等者當彼第八畢定過略不并彼中第四道過第五法  
終過第六處過第七葉過 論又正獲得至極多歡喜 記曰自下  
第二釋歡喜義有四句一證不憎淨故歡喜二觀自身隨順自利利  
他六種事用速疾圓滿故多歡喜言遠離多分忿害鬪諍者泰師云  
地前但離現行故名少分初地并離種子故云多分但離見惑未除  
修惑故非全遠離也三自觀見妙善廣大離染饒益身心歡喜四又

偷錄十

十

兼

自了知去著擬近離五怖畏故多歡喜 論由諸菩薩至處衆怯畏  
記曰第三明除斷五怖因於中初離五怖後因明離怖又明離餘煩  
惱脩無我智離於我愛及資生愛無不活畏等者此文即說由無我  
智治不活畏故將知我見及愛等假名為怖 論菩薩如是至一切

第十卷 瑜伽師地論記

善法 記曰下明離餘煩惱中測師取地經安住中大悲為首等三十一句文屬當之 論又現法中至發大精進 記曰自下第三明發起精進引發正願於中分三初揔標引發正願次釋後結測師云准十地論此下名校量勝劣校量有三一願校量二行校量三果校量此文當彼第一校量勝願釋中分二初明起十願後明十願能生無數前中有三初明十願次舉十盡句以成十願後判前二種起願所依此中十願皆明起願因緣故皆言為欲等或前方便名因緣若正起名根本願言十願者第一供養願第二受持轉傳說願第三勸請轉法輪願亦名八相成道願第四脩行願第五成熟眾生願第六攝法上首願第七脩治淨意願第八同心同行願言與諸菩薩常同一味意樂加行者以舊論謂與一切菩薩同一方便以大乘願名為一味第九三界不盡願第十成菩提願次舉十盡句成十大願十盡

句者一衆生界盡二世界盡三虛空界盡四滿法界盡五真如界盡  
六出佛世界盡七如來智界盡八心所緣界盡九佛境界智入界盡  
十世間轉法輪智轉世界盡作是願言如有情界等者如衆生界不  
盡我願不盡亦如世道已下如器世界不盡我願不盡此即願前十  
願乃至菩提終不忘失下判二願所起前十大願別緣十事故發十  
願後十無盡願緣願起願也 論復有十種至供養如來 記曰第

四明十種淨脩住法即當地論行校量勝劣即於如是正加行中依  
應時分量等正行而脩慚愧者如地經成世智已知時知量慚愧莊  
嚴脩習自利利他之道基師云時謂如五濁劫末時謂隨此時可行  
此法分量謂隨若干等法 論又諸菩薩至說名等流 記曰第五  
明開曉餘住即當地論果校量勝劣果利有四一調柔果謂地果心滿  
中脩習諸行調練治等二發趣果謂地滿足中更集明解發此趣果

三攝根果謂闢諍王等四願智果謂作用無量此論同彼但彼第二為此第一即明發趣果有法喻法中云從佛菩薩專精訪求等者此

法喻一

十一

東

明問也一切種道功德者餘住障治種種道也過失者是所除障及神通樂無失壞道者以勝神通見色身佛等善取其行得等流相者問其行脩於諸地中取等流果於一切住自然勝進者明行也證大菩提者明果也次喻中云為大導師等者謂如來也當知此中諸行能入說名行等測師云此三句即當前何行何狀何相此猶入住出三心行也有釋加行智名行正智名得後智名等流論又諸菩薩至當知亦爾記曰第六明脩治善根當彼第一調柔果有法喻合法中分三第一多見諸佛起行之勝即由二緣現見諸佛地論說二種見佛一神通力見色身佛二意願力見法身佛菩薩如是下第二



明能練三緣一自利緣二利他緣三迴向緣由是三種已下第三明  
所練信等明淨俱脫那度多者如數一十百千万億十億名洛沙十  
洛沙名俱脫十俱脫名那度多測師六俱脫即當此方兆數那度多  
者當此方姦數喻中工匠喻淨意樂菩薩火喻三因金喻信等 論

又住於此至眷屬圍遶

記曰第七明受生當彼攝根果判為前段

一攝在家果二若樂發起下攝出家果此菩薩住此地中多作鐵輪  
王王瞻部洲得大自在是果中有在家上身果遠離一切所有慳垢  
等是在家上勝果就出家果中有十二句一證百三昧二見百如來  
三知百佛變化住持四能動百世界五能往百界六光照百界七能  
化百類八留命百劫九知前後際各百劫事十入百法門十一化百  
身十二於一一身現百眷屬 論自茲已後至不易可數 記曰第  
八明威力當彼願智果 論當知是名至說名為住 記曰已下第

十第卷記論地師伽瑜

三牒結上弁八門初牒結次指六本後釋會異名摩怛履迦者名為  
本母今此論中解十住義與彼經說十地為摩怛履迦謂經有論故  
義即易解也

論本卷第四十八

論問增上戒住至意樂清

淨 記曰釋增上戒住中初問次解後結釋會名解中有三初解十  
意樂即地論名發起淨分二弁住相彼論名自躋淨分三弁校量地  
論以前例後故無此文若准下結文即為九段下之諸地亦隨結文  
即判若干段文准之可知初明由前地行十意樂極圓滿故超入二  
地十意樂中前九自利後一利生 論即由如是至况中上品 記  
曰已下第二明自躋淨於中初明住躋二於此住中下明住相極有

係屬一

主

乘

五句初兩句明律儀戒次一句明攝善法戒後有二句攝有情戒言  
於此住中性戒具足者初地雖無故犯猶有悞犯今於二地故悞並

無故名性戒具足是為一句二極少邪惡犯戒尚無況中上品即離  
一切種毀戒垢 論又於十種至如實了知 訖曰三謂能去十惡  
業道故十善業道圓滿自性顯現如是性戒具足能以妙惠於世間  
不染諸業現行異熟等流果及出世諸業等流皆如實了知 論  
自能現斷至如實觀照 記曰四明自斷惡脩善復勸他行五明等  
視衆生愍其受苦第一義苦是其行苦 論是諸菩薩至當知亦不  
記曰下第三弁校量於中有二初弁調柔果後弁攝報果其發趣果  
是見解攝屬在初地故此不論依如正法師解為顯不迷道之方便  
而脩正行故除發趣果又以前類後故以不說道理十地皆有發趣  
果願智果者與初地同不異前故亦不論之調柔果中先摠指同前  
後舉喻以顯言廣見諸佛善根清淨如前應知者謂前初地中之謂  
於佛法僧供養攝受故以四攝事成熟有情故以一切善根迴向菩

提故等舉喻顯中先喻後合迦肆婆耆青黑礬石同舊論云迦私婆  
藥地論云礬石以金鉢有微細垢故置礬石改之 論於此住中至  
過前十倍 記曰下弁攝報果初明在家果次云當知威力過前十  
倍即示出家果舊論云初力十事如脩多羅說依如十地經云一者  
於一念間得千三昧乃至十二於一一身能示千菩薩以為眷屬此  
中云十倍者初地得百二地得千故即舊云十事者謬也有釋此云  
威力即名願智果今解不尔 論當知是名至增上戒住 記曰結  
釋會名中有三初牒結略說次指經廣說後釋會異名前中九句初  
一句結十意樂次有兩句結律儀戒次有一句結攝善法戒次有兩  
句結攝有情戒次有一句結調柔果後有兩句結攝報果 論問增  
上心住至增上心住 記曰中亦問答結答中有九依地論判初句  
是二地句趣入三地方便次句即是初住地心次句即是正住地心

後有六句明歇果即地滿心初句中云已得十種清淨意樂者二地  
中自分行復由餘十淨心下明二地勝進行乃至入增上心住此十  
淨心依如地論說一者依彼起淨深念心如經淨心故二者依不捨  
自乘如經不動心故三者於志求勝法起善方便此能厭患當求貪

倫類十 十三

乘

欲如經歇心故四者依他現欲不貪如經離欲故五者依不捨自乘  
進行如經不退心故六者依自地煩惱不能破壞如經堅固心故七  
者依三摩跋提自在如經明盛心故八者依禪定自在有力經生下  
而不退失如經淳厚心故九者依彼生煩惱不能染如經快心故十  
者依利益衆生不斷諸有如經大心故依彼論判此上即釋厭行分  
論菩薩安住至悲愍意樂 記曰次有一句明初住地心謂從菩薩  
安住至能起廣大悲愍意樂謂菩薩安住增上心住時于有種種過

患能壞一切諸善行者皆能於彼諸行深心厭離等言生依義心者  
謂生利樂之心義謂利義 論觀諸有情至以為緣起 記曰次有  
一句脩正住地心謂從觀諸有情乃至皆聞正法以為緣起於中初  
觀有情脫苦方便唯是意願無障礙智次推願智由彼學地無分別  
智次推此智由依定起謂即三地所明定等又推此定知因教是聽  
聞為先 論觀見是已至畢竟不轉 記曰下有六句是厭分果初  
正法訪求無倦二從菩薩發起如是精進已下能正脩法隨法行三  
從既多住已復還棄捨已下棄捨靜慮隨樂受生欲界言如是菩薩  
離欲貪故名斷欲縛者離欲得定也棄捨靜慮等持等至故名斷有  
縛者棄上不受名斷有縛先從勝解行地乃至畢竟不轉者景公云  
先從勝解行地入真如觀已斷見縛邪貪恚癡畢竟不轉也泰師云  
由從勝解行地於諸真如脩勝解故於初地中已斷見縛所起邪貪

患癡亦隨滅也。若分別我見見縛，收於初地中斷種子盡。若俱生我見乃至欲縛有縛，攝第四地中伏，今不起。至於金剛方斷種子邊見，亦通分別俱生。如向我見斷之前後，若邪見二取唯分別起，故此三見唯見縛。收初地菩薩斷種子盡。論廣見諸佛至當知亦尔。記曰：已下明調柔果稱量等住者前之二地。練磨未精，稱而有滅燒之稍輕。今於三地磨盡金淨，稱而住定。論受生多作，至有百千數。記曰：五明受生六明威力，並是攝報。果文景公云：所有威力下明願智果中威力果，今解不尔。論當知是名至增上心住。記曰：結中初結略說，次指經廣說。後釋會異名，由發聞行正法光明等持光明等者，謂求法時聞惠照法光明，故言聞行正法光明。因聞生脩，故言等持光明等。由內心淨者，謂此地證內脩惠光明，故言內心淨無漏。

名淨意為內心謂即定也 論云何菩薩至略所說義 記曰覺分相應增上惠住中間解結也准下結文即知解中有十三段初中云謂諸菩薩乃至應知其相等者依如地經說當以十法明入第四地何等為十乃至廣說地論釋云法明入者得證智光明依彼智明入如來所說法中彼智名法明入彼所說法王觀思量如實知二處曠行故此思量有十種差別思量分別衆生假名差別如經思量衆生界明入故依住分別如經思量世界明入故依染分別如經思量法界明入故無量分別如經思量虛空界明入故不染淨依止分別如經思量識界明入故煩惱使染分別如經思量欲色無色界明入故淨分別如經思量勝心決定信界明入故思量大善決定信界明入故是中煩惱使者論三界後二句一依煩惱不染二依不捨衆生聲聞等同不同義故今此論云謂若假設等者景公云此中但有十法明



入略所說義謂若彼假設者是第一明入衆生是聚集假故若於中  
假設者是第二於世止住假立世界明入亦是聚集假有若由此假  
設者是第三即是有漏善等三性染法由此法界三性之法假設衆  
生及器世界若平等勝義者是第四是太虛空亦可說彼真如名為  
虛空故此中說平等勝義若染惱故清淨故或染或淨者是第五以  
識是染淨所依止處故方成染成淨若由繫縛煩惱所染者即是第  
六七八思量欲色無色以繫縛別建立三界故若由無上清淨所淨  
者即是第九第十思量善大善二法明入二乘無漏煩惱不染名  
為勝善大乘無漏過彼二乘故名大善 論是諸菩薩至得彼躰法  
記曰第二明成熟智太如契經說不壞意樂而為上首至皆悉成就  
者謂十種法能成於智智是所成此十是成熟智之法是此中義意  
也不壞意樂而為上首者基師解云即十法中之第一故言上首舊

地持去成熟不壞淨為首地經當第二同敬三寶名不壞淨今解當  
彼第一不退勝心不壞即是不退轉義經云初智故去上首彼經云  
諸佛子是菩薩得入大地即依如來家勝有勢得內法故以十種法  
智教化成熟故何等為十一不退勝心故二依三寶中決定恭敬畢  
竟盡心故三分別觀生滅行故四分別觀諸法自性不生故五分別  
觀世間法生心故六分別觀業有生故七分別觀世間災故八分別

論錄十

十五

東

觀衆生世界門多差別故九分別觀前際後際差別故十分別觀無  
所有盡故言長如來家者謂初地名生如來家既生彼已今此地等  
名長如來家得彼躰法者舊地持云得自在經云得長家已得勢力  
自在又得躰法得如來之躰謂真如是躰法故又十自在言躰法  
論觀一切種至菩提分法 記曰第三弁脩習菩提分法云觀一切

種菩提薩埵增上力故者此明脩覺分菩提名覺是所求境薩埵此  
去有情是所化境又能求覺有情又薩埵是勇猛義勇猛求大菩提  
又菩提即般若薩埵謂方便此二於有情作一切利益安樂 論如契  
經說至如實隨轉 記曰第四弁斷身見等謂此地能離伏第六識  
中或見其餘貪瞋等尚在其第七識在入八地伏也由彼斷故已下  
第五明制業開業遠離習近 論既如是已至皆善清淨 記曰下  
第六明心調柔唯地論有十心一潤益心二濡心三調心四安隱樂  
心五不漂心六轉求上上勝行心七轉漂智心八求世間心九恭敬  
諸師隨順受教心十隨所聞法脩行心今此論有三句一滋潤柔和  
攝攝彼初三心亦可滋潤是初潤益心柔是第二濡心如是第三調  
心二有所堪能攝彼安隱樂心不漂心三其心轉復種種行相皆善  
清淨攝彼後五心 論又善知恩至不能傾動 記曰已下第七明

第十卷 地師伽瑜記

隨順功德皆隆盛如地經說是菩薩如是成就知恩心心轉柔和同  
心安樂直心端心無稠林行無有謠曲無有我慢善受教誨得說者  
意此論舉初二句等取餘句尋求上地至逮得安住者是第八脩治  
地業發大精進地經明十精進一者不休息精進乃至第十善分別  
是道非道精進如彼廣說第九明意樂勝解清淨脩治第十明聖教  
悉敵不能耽棄地經云是菩薩深心界轉清淨深心界不失信解界  
轉明利生善根增長遠離世間垢濁斷諸疑心無有疑網現前具足  
成就喜樂如來現前加無量深心現前成熟今判彼文屬此兩句謂  
乃至善根增長來配第九句遠離世間垢濁已下配第十句亦可撻  
屬第九句釋之 論廣見諸佛至說俱胝數 記曰已下第十一明  
善根清淨名調柔果多作已下是第十二三句是名攝報果獲夜摩  
者此去善時分 論當知是名至增上惠住 記曰下經會異名中

大善提分法如實智焰能成正法教惠照明等者景 云於四地中

有法一

十六

集

脩道品智名焰能照教智名惠名焰惠地基師云謂正法教是所照  
此智能照正法教故名焰惠地 論云何菩薩諸至略所說義 記  
曰諸諦相應增上惠住中 解結解中有十一脩十種平等意樂得  
入五地言如契經說應知其相者如十地經五地中諸佛子若菩薩  
得第四菩薩地善滿諸行已欲入第五菩薩地當以十平等深淨心  
得入第五地何等為十一過去佛法平等深淨心故二未來佛法三  
現在佛法四戒淨五心淨六除見疑悔淨七道非道智淨八行斷智  
淨九思量一切菩提分法上上淨十化度一切衆生淨平等深淨心  
故論曰勝慢對治者謂十平等深淨心同念不退轉心故前地已說  
解法慢對治今此地中說身淨分別慢對治乃至廣釋解云謂於四

十第卷記論地師伽瑜

地自謂得生淨勝佛家得彼道品內淨法故便起身淨慢正障法身  
平等之義今脩平等正治彼心此十心中前三觀法身脩平等心遣  
於前地生佛家慢後七遣於佛家所得自利利他道分內法上起慢  
心此中景基等解言說無等覺者謂覺三世佛一切功德一切法平  
等謂佛是無等覺此無等名無等覺以三世佛即為三無等即無等  
無等平等也言與諸覺等者即是次六隨脩諸佛法與三世覺等為  
由故言與諸覺等經有六種要攝為三所謂三學初一是戒次一是  
定後四是惠離分有七所謂七淨一名戒淨二名定淨三名度身見  
淨四度疑淨解疑五道非道淨解戒取此前五種大小名同後二名  
異小乘六名行淨七名行斷淨以小乘趣戒盡故大乘六名行斷七  
名思量菩提分法上上淨以大乘中依其斷智勝求故此七淨即六  
平等以令度疑見二為一度疑見平等故若約位并戒定在見道前

次三在見道後二在脩道言超過所餘諸有情界者即是第十教化  
衆生淨平等深淨心大悲化益超過二乘異生等類此十中前九自  
利後一利他言及以諸法如其平等者釋平等名也當地論云以於  
平等中心得諸淨妙名平等深淨心若依測師云謂無等覺與諸覺  
等者是經中前三句是諸佛法者及以諸法知其平等者是經中後  
七句是隨脩諸佛法 論如是菩薩至所有略義 記曰第二明善  
巧觀諦云多分希求智殊勝性者住五地中多分希求觀諸諦智於  
四聖諦至應知其相者准經本有十四諦四是本十是末末解本四

倫錄十

七

東

非有別法十諦者一世諦二第一義諦三相諦四差別諦五說諦六  
事諦七生起諦八盡無生諦九入道諦十菩薩諸地起佛智諦初二  
即真俗二諦次四名苦諦次一者集諦次一名滅諦後二名道諦前

十第卷記論地師伽瑜

之九智化小乘人後之一智化大乘人彼經廣說此中但有略義謂  
依曉悟他乃至名如此說者謂依曉悟他等初三契法師兩釋一云  
依曉悟他此一句謂以四聖諦教二乘二乘非佛乘故說為他依自  
內智此第二句謂以教大乘種姓衆生大乘種姓衆生是佛自無故  
名依自內智依俱處所此第三句謂前二是別教此一句是總教大  
小二乘為此二乘別授人等說四諦法名為此說又釋此三句即三  
轉法輪依曉悟他是示相轉謂示諦相於他謂言此是苦乃至此是  
道依自內智是證相轉謂此苦我已知乃至此道我已脩依俱處所  
者謂勸轉謂教言此苦我已知汝應知乃至此道我已脩汝應脩為  
此三轉故說名為此說即為三行相也次即謂三藏契經是經調伏  
謂毗奈耶是律本母謂摩訶衍迦是論由此三藏故我說四諦名由  
此說通前二故合為六種也依於現在衆苦自性苦諦依於未來



苦因生性是集諦依於因盡彼盡無生性是滅諦即因盡之滅果盡之滅依於常習彼斷方便性是道諦如此說四諦名如此說即十行相也測師云依曉悟他者即地論說十相智中前之九智是化小乘智對大名他依自內智者是後之一智對小名自此二句智即十相智依俱處所者四諦智通攝他名俱為此三句說兩門智依於契經等者此三句智由三藏教故說依於現在衆苦自性等者此兩門智所緣境如此說者此四諦道理有佛無佛性相常住實法分別智竟即此四諦差別說十諦為教化衆生方便智論如是於諦至成熟有情記曰已下第三明毀壞諸行悲愍有情以惠正毀者地經云如實知一切有為行皆是虛妄誑詐誑惑凡夫捐受乃至心發正願者是第四句及即於彼乃至皆悉增盛者是第五句謂即以意樂正願為能引攝正念惠行等是所脩起念惠慚愧等諸勝德中念惠

第十卷 地師伽瑜論記

在初故云念惠為上首諸餘作意乃至成熟有情者是第六句 論  
如契經說至略所說義 記曰已下第七明引發世間工巧業中分  
二初明引發工業所由後結之前中有十二句初句是總後十一句  
別釋所以善明五論言能益有情世俗書論印笈計等者是中書等  
有四種障對治四種障者一所用中忘障取與寄付聞法思義作  
不作事已作未作事應作不應作事此對治故書二邪見儒智障以  
因論聲論對治此二故論三所取物不守護障此對治故印四取與  
生疑障此對治故笈數數者一一為二二為四如是等笈者一縱  
十橫如是等 論其餘一切至與世共同 記曰已下第八明善根  
清淨牟婆羅寶者當此云碼礎寶謂前地於金上已加未足寶今此  
地更加碼礎寶 論受生多作至增上惠住 記曰已下第九明受

生珊觀史多此名知足此即攝報果中在家之果若本人中亦有出家之果所有威力當知此說十俱脗數者是第十句也 論云何菩薩綏至略分別義 記曰緣起相應增上惠住者問解結解中有十一初明十法成滿得入此住如地經言當以十平等法得入第六地何等為十一者一切法無相平等故乃至廣說今此中云謂於一切法由有勝義自性無相平等性故乃至有無無二平等性故等者如舊地持有一二等數標名此論有十一故字不可數之且准舊論云一者第一義有性平等當此中第一由有勝義自性無相平等性故即當經第一一切法自性無相平等此中意謂由緣勝義理故一切法平等如舊論第二無言說行無相平等當今云言說造作影像無相平等性故當經云第二無相平等也此中意謂一切言說造作影像等皆由想起今此相亦無相平等也於理本無故有是妄生故如

舊云三者無生平等當今云即由此相自然不生平等性故當經云  
無生平等景公云即前依他因緣生法無自然生故名無生平等基  
解此意謂即由此心想無故自然無苦生又即由此於言說造作依  
他性平等故執有自然生者此自然不生但是因緣生故言無生平  
等無自然生也前解為勝如舊論云四者因緣不起平等當今因亦  
不生平等性故當經云無成平等今又云自然與因皆不生故者雙  
勝前二句以起後也經云無成平等者疏云以無生故亦無共性或  
起現前三截云因是能成果是所成執有自在天等為因因既不能  
生故言不成平等以從因緣生故自然與因皆不生者謂執有自然  
生及自在天等為因生皆不成也基更解云前不生平等謂人想造  
作等無故若自然不生今因亦無故不成平等自然與因皆不生者

即雙重解果因俱生義即第三不生第四不成平等也如舊云第五畢竟寂滅平等當今云畢竟本寂平等性故經云寂靜平等此中意謂離染諸法本來寂靜故若依基釋第六是能照智故此第五第六皆約真如為論三藏開此畢竟本寂平等性故一句成第五第六寂靜平等本淨平等次下句別是第七平等問曰此二何別如舊解第五離染因以第四三是離染果故今第六是明離淨相對治滅今如何別解云畢竟本寂之言俱是舊經第五寂靜平等一句正是真如下現有辨事能取正智離諸戲論平等性故當舊云離諸虛偽平等舊經本淨平等即是正智離虛偽戲論也問曰如舊論文可通如經本淨即真如云何通此第六是正智故義曰如經亦是正智照本寂故名本寂非辨是本寂又解此現有辨事等一句是經第七無戲論平等其第五第六畢竟本寂開之如前景公云亦同如舊論云第六

離諸虛偽平等當今現有弊事能取正智離諸戲論平等性故當經  
云第六本淨平等此中意謂真如淨相常淨故舉能證智以顯如舊  
云第七無取無捨平等當今遠離一切取捨造作平等性故當經第  
七一切法無戲論相屬等此中意說遠離能所分別戲論相屬故等  
基師云遠離一切取捨造作平等性故即此煩惱衆苦雜染離繫解  
脫平等性故者當地持第七無取捨平等當經第八無取捨平等若  
准經以畢竟本寂為二勝若合為一即開此故字為二雖然不依經  
文此中意者謂煩惱衆苦得解脫故一切取捨平等也如舊云第八  
一諸法離繫平等當今云即此煩惱衆苦雜染離繫解脫平等性故  
經云第八一切法無取捨平等故此中意謂於淨法無捨取相故  
平等景公云此一復次地經無也如舊云第九妄想境界如幻如化  
平等當今云分別所執境界自性如幻化等平等性故經云第九一

切法如幻夢影。永中月鏡中像。炎化平等。故此中意我。我所實非。  
有故平等。如舊云。第十妄想境界。有無無二平等。當此中云。無分別。  
智所行。有無無二平等性。故經云。第十一。一切法。有無不二平等。故此。  
意謂若成。若壞。無二相故。論如是菩薩至三解脫門。記曰。下等。  
二明覺悟緣起。生解脫門。以一切種緣起。正觀觀察了知者。如地經。

論第十 三

乘

說十番觀。因緣集法。所謂因緣分次第故。一心所攝。故自業成。故不。  
相捨離。故三道不斷。故觀先後際。故三苦集。故因緣生。故因緣生滅。  
轉故。隨脩有盡。觀故。如彼經論廣釋。故云。一切種正觀。緣起。智。  
引發空。無相。無願。三解脫門者。觀緣起生滅。故無我。故是空。行以有。  
生滅無常流轉道理。及斷之得無為。故名無相。行以是有漏。有為。深。  
可厭壞。不生希願。故名為無願。是此中意也。論由是因緣至皆不。

復轉

記曰已下是第三一切邪想不現行句

論菩薩如是至一

切有為

記曰是第四方便攝受生死句謂菩薩善達真如故悲愍

有情知煩惱繫故衆緣合故離我我所及諸塗汚不是離煩惱衆緣  
合外別有繫縛有情如是知故不捨生死住在涅槃為惡有情不應  
永滅一切有為入般涅槃應入生死教化有情是此中意也 論如  
是菩薩至而亦不住 記曰是第五無著智現前等句經云菩薩作  
如是觀已起大悲故不捨一切衆生故即時得無障礙智門現前亦  
般若波羅蜜行光明現前照已為滿助菩提分法因緣而不與有為  
法共住觀有為法性寂滅相亦住其中欲具足無上菩提分法故地  
論云無障礙智者謂如未成熟名為光明現前慧師云謂無著智現  
前故不染生死般若智現前故不入涅槃前謂正智後謂後得智又  
俱通二智且約智慧二行別之言又即此住有猛利忍等者如經云



菩薩住現前地般若行增上成熟得第三利脩忍隨順如實法無有  
違逆故測師大此即於第七地前方便上品忍 論如是菩薩至當  
知亦尔 記曰第大證得無量三摩地如經云是菩薩住此地得境  
空三昧乃至第十離不離 是菩薩得如是等十空三昧門上  
首百千万空三昧門現在 二三昧亦尔 論由此上首至意樂  
不壞 記曰是第七句如經云菩薩住此地復轉滿足不壞心決定  
心乃至第十滿足方便智行心論云不壞心者堅固不退故是不壞  
心有九種一信觀不壞如經決定心故乃至九化衆生行不壞如經  
滿足方便智行心故 論於一切種至不能引棄 記曰是第八於  
佛聖教不可引棄句基 解云何故前初地非他引今論復云且義  
曰前初地謂真如教非他引或一切教非他引即總相非他引非別  
相非他引今此於一切種聖教非他引別相中非他引也 論餘如

瑜伽師地論記卷第十

前說至不能斷壞 記曰下是第九善根清淨句今此地中加瑠璃  
寶珠於前金上莊也即一切地唯前當知言四風輪者或四方之風  
論受生多作至增上惠住 記曰下是第十第十一句可知 論云  
何菩薩有至嚴所略義 記曰有加行有功用無相住中間解結明  
中有十二初明妙惠所引進道 行成滿得入已得十種妙方便惠  
者此惠即是入住方便所引世間不共一切有情而共一切世間進  
道勝行者景公云行隨世間故名為共世法不染故名不共趣求彼  
地名為進道學後地行名為勝行基師云此進道勝行作有相行緣  
事有差別故名世間非煩惱業之所纏縛故名不共以是無漏故  
以有相故亦名為共有情所不能行無相故名不共作緣事相故名  
共測師云由智不住生死故名不共由悲不入涅槃故名為共如經

廣說應知其相等者地經云菩薩善具是六地行已欲入第七地者  
當以十種方便智發起殊勝行入何等為十乃至廣說論主判十為  
四初一名為身財因事第二名為護惡因事第三名為護善因事後  
七名為化生因事今此中云謂依能超世間興盛攝受福德者謂依  
能世間興盛因之事菩薩行之攝受福德也此即第一身財因事經  
云善脩空無相無願而集大功德助道故二依於有情利益安樂增  
上意樂者謂多於有情而起於惡故故有情是惡因今以利益安樂  
增上意樂於彼有情故不起也即是護惡因事經云入諸法我  
無壽命無衆生而不捨起四無量改三依為菩提福德資糧菩提分  
法後後勝進者為證菩提果故速集資也即是護善因事經云起  
功德法作增上彼羅蜜行無法可取故四依不共聲聞獨覺者即  
是化生因事七門中第一願力取生佛上首教化餘衆生故經云得

遠離三界而能應化起莊嚴三界行故五依有情界者是第二門說  
對治故經云畢竟寂滅諸煩惱炎而能為一切衆生起貪真癡之煩  
惱炎行故六依諸法界者是第三門為滅諸障故經云隨順幻夢影  
響變化水中月鏡中像自性不二而起作業無量差別心故七依諸  
世界者是第四門於大法衆會集故經云善知一切國土道如虛空  
而起莊嚴淨佛國土行故八依諸如來身智者是第五門見聞親近  
供養脩行生福德故經云知諸佛法身自性無身而起色身相好莊  
嚴行故九依諸如來語言者是第六門轉法輪故經云知諸佛音聲  
無聲空寂寂滅不可說相而隨一切衆生故種種差別莊嚴音聲行  
故十依諸如來心智者是第七門所問善釋故經云入諸佛於一念  
頃通達三世事而能分別種種相如數脩行隨一切衆生心差別觀

故論菩薩與彼至不遠離道。曰：已下第二明通達如來境界。起無間缺。加行從初乃至如來境界者。謂與前十種妙方便惠共相應。故能達一切如來境界。以前惠所行處。是佛境界。故言及為彼起無功用無相。乃至不遠離道者。景公云：八地之中。真觀無功用。故知無功用無相。無分別俗觀。仍有功用。能知俗諦。猶如幻化。故云無異。分別八地觀。彼二諦境界名觀。無量佛境界。二觀恒起。亦起無間。真俗雙觀。復名無缺。今七地菩薩為起八地。如此觀行。故精勤脩學。一切威儀。若行若住。恒常作意。一切住中。不遠離道。基師云：又為佛境界。故起無功用無相。無遍計執。分別無量後得智。依他分別觀。諸佛境界。起無間缺。常精勤學。一切威儀。行住作意。不離心口身而作。是行於一切分位。行是不遠離之道也。此無功用無相觀。佛境界。是於威儀中行住作意。一切分位。不遠離之故。下結文云：通達如來境。

界起無間無缺勤加行故 論彼於一一至第八住故 記曰已下  
第三明一一剎那圓證一切菩提分法地經云菩薩於十地中悉具  
足一切助菩提分法但第七地勝故得名乃至廣說今即於此第七  
住中具足發起一切佛法覺支圓滿者於七地中念念顯起十波羅  
蜜故言具足覺支圓滿此住菩薩加行圓滿所攝故者功用究竟也  
妙智者即空方便智也神通行清淨者引發世間殊勝行離相脩習  
名為清淨能入第八住者功用行終得入八地無功用住若依測師  
等釋從此住菩薩加行圓滿所攝故至能入第八住故者判為第四  
有加行行圓滿攝句終由是菩薩已下乃是第五句今取景師判文  
順下結故 論由是至難誅 記曰第四明安立染污不染污謂第八  
地無功用故一向清淨七地有功用故名雜此第七地初得無相是  
第八地前導故名不染未得根本無相尚有功用有所希求未能住

運無相故墮雜緣 論今此住中至猶未得故 記曰第五明有加  
行行圓滿攝句如地經云菩薩住遠行地中不名有煩惱者不名無

修品十

三三

乘

煩惱者何以故一切煩惱不行故不名有煩惱者貪求如來智慧未  
滿足故不名無煩惱者景公云脩斷煩惱上中二品在見道中已伏  
不行為衆生故七地已來仍起下品煩惱時復現行今言貪等上皆  
煩惱皆悉除斷據七地中入觀時多出觀起惑時節極少以從多故  
言貪等皆悉除斷基師云此住一切貪等皆悉除斷據地滿心非入  
地心斷如是或如佛地論自當分別當知此住非有煩惱下釋云一  
切煩惱不現行故地滿為論如前釋非離煩惱下釋云求佛智未得  
由有相似愛佛菩提執在故非離煩惱故下結文云有加行行圓滿  
攝故 論如是行者至如第八住 記曰下第六三業清淨依於

第十卷 記論地師伽瑜

意樂清淨業轉世工巧業皆得圓滿所以偏第七地中工巧業滿者  
只是工巧營造必使功用所作事成徒初發心為利衆生學諸工巧  
依求財物擬行給施乃至七地所學工巧方始妙成以第七地功用  
究竟工巧成滿故也佛讚即行不讚不行如四地說於第五住已得  
工巧今至七地轉得滿故三千世界共許為師略不言除等住菩  
薩以等住菩薩亦不相師故第八地中諸靜慮等如異熟位不須加  
行任運現前今此地中未能任運如第八地異熟住故有功用故諸  
靜慮等方能現前由脩行相現在前故地持與此少異彼之一切釋  
定善提分法皆現在脩而不受報 論此諸菩薩至獨覺境界 記  
曰下第七明速得不共二乘三摩地如是方便乃至三摩地門者地  
經云菩薩住第七地中入名善報智菩薩三昧等乃至菩薩如是大  
智通門滿足上首千三昧能入百千菩薩三昧門淨治此地舊論云



菩薩於此住思惟方便入善伏三昧生百萬三昧菩薩如是一切煩惱  
皆悉遠離乃至勇猛加行者景公六七地菩薩由離諸惑一切分別  
所隨三業皆悉不行而不捨離尋求菩提勇猛加行基師云由有微  
細分別難可了知無慮分別故名爲無相前地等有慮分別名有相  
此皆隨順菩提之分別故不捨離妙善脩治無生法忍之所顯發者  
常入真觀無生法忍念念增明故言善脩無生法忍無生法忍即正  
證無分別智 論又諸菩薩至能不作證 記曰下第八明念念能  
入滅定第六住中所入滅定今此住中念念能入者景法師云但言  
第六不言前五住者舉終顯始從初地至六地有出入觀異不恒入滅  
定故舉第六類顯前五亦雙入滅亦可前之三地相同世間不論得  
彼滅定四五六相同二乘四地初得道品無漏辟於初果未得滅定

第十卷 瑜伽師地論記

五地菩薩如第二示亦未得滅定為此不論六地菩薩等第三示得  
滅定故以備論七地菩薩得無生忍如阿羅漢故念念中恒入滅定  
問若七地念念恒入滅定是即二智畢竟不行登據有增能念念  
入未必念念恒入滅定若據真觀離相假名滅定即念念入也三據  
云西方所釋一云八地已上方入滅定七地已下須悟菩薩即不能  
入所以昔何七地已來起三界惑而現在前故不能入今云六七地  
中能入滅定者據正辨智相應定數緣寂滅故名滅盡定非二十四  
不相應中滅盡定一云初地已上皆入滅定故楞伽云佛告大惠從  
初地乃至六地入滅盡定聲聞緣覺亦入滅定乃至聲聞緣覺即不  
得入七地菩薩念念入滅今云第六地所入者以第六地中分得無  
相故能伏煩惱能破入滅定障之三藏云六地已還由作無量加行  
方入滅定第七地亦由方便欲入即入定故假設為言念念入非

謂相續義故名念念入所以然者大地已還亦有多刹相續入故  
然此菩薩甚希奇業至能不作證者重喚大地菩薩常入真觀實際  
境中而不作證起利他行 論彼由如是至廣大衆轉 記曰下第  
九明現行一切有情不共世間行景公云能行一切同有情行異於  
菩薩所行妙行故言不共菩薩妙行雖同世而非彼性如經廣說  
測師云雖復處深而不礙著故云不共也此中總義下皆彼所拍經  
中現同有情相似之行總義有八一同依福業事二同攝受親屬徒  
衆事三同異生求受生事 同初發心者發起進求三解脫住五同  
信樂下衆為他調伏事六同受用諸欲求欲差別事七同外道為佛  
迴轉事八同世入隨他心轉隨大衆轉 論餘如前說至百千數  
記曰下第十明善根清淨受生多作已下第十一二受生威力文相  
可知 論當知是名至無相住 記曰基師云此地中十二段文如

結唯配知唯有第五有加行行圓滿故者看上文似與第四顛倒  
結第四合第五第五合在第四三截去此第五有加行行圓滿者即  
是今此住中一切合等皆悉除斷以有加行行圓滿故所以斷除餘  
惑還是依次結非顛倒結 論云何菩薩無至純清淨住 記曰無

論云何菩薩無至純清淨住

東

加行無功用無相住中間解結解中有十一初明入一切法第一義  
智成滿得入舊地經說一入一切法本來無生二無成三無相四無  
出五不失六無盡七不行八非有有性九初中後平等十真如無分  
別入一切智智論釋彼忍成四種無生中應知一事無生二自性無  
生三數差別無生四作業差別無生初七句是事無生後三如次配  
後三無生也如遠師等釋云一切法無生有十得解此無生之智名  
入智也今更言一切法第一義謂除二執所顯真如今明除二執及

所顯真如名入一切法第一義智謂依三世如其所應下出十種景  
公云此與十地之祚無少異大意相似基師云如地持文不足疎家  
別解之今此文具足十法十法謂依三世如其所應隨於三世有此  
計執故隨所應此十皆除遍計所執本來無生等十句如次配地經  
釋之遠法師云謂依三世者此第八地以前七地為過去當地名現  
在餘後二地名未來此中初四當配三世其義云何於過去有初二  
謂無生無起現在無相未來無成過去分為二初地名無生二地至十  
地名無起言無生謂無初地淨法生無起者無二地以去起起即起作此  
二謂除過去計言無相者執當入地有無生法忍相今除此執相言  
無相也即現在也言無成者謂無九地以去乃至成佛菩提有此成  
菩提執今併除之以舊論但有此四無次三種有後三種則師云三  
歲修劫梵本花嚴經有十無生觀一無生二無起三無相四無成

十第卷記論地師伽瑜

五無失六無有有性七無流轉性八無止息性九初中後平等性十  
於真如無倒證入無有分別平等性此之十種與大本花嚴及十地  
論所釋經本有同不同大本花嚴經十句中前五句一句同之無第  
六無有性句無事無去二句當此無流轉性無止息性也無初無中  
無後一句亦如十地論彼論云初中後平等性後入如來智一句證  
明亦不當梵本地論經云初句梵本同第二句無成者與梵本顛倒  
彼梵本無成在第四也第三無相句亦當梵本第四無出此亦顛倒  
當梵本第二無起句第五無失亦與梵本同第六無盡第七不行不  
當梵本第八非有有性當梵本第六無有有性後二大分與梵本同  
今依梵本花嚴經以配釋此文如三藏所釋言謂依三世如其所進  
本來無生無起無相者釋家具有二釋一云於真如中無未生事故

云無生無曾起事故言無起無現在相事故言無相也若依次第先說過去次說未來後說現在然不依此次第故言謂於三世如其所應也一言本來無生者無過去生無起者無未來起無相者無現在相若依次第先說過去次說現在後說未來然不依次第故言如其所應也此上三觀約三世果事以弁無生觀依餘因性無成無壞者一切有為是因能生諸法名為成因亦能滅諸法名為壞因以其真如不能成壞餘因故言依餘因性無成無壞此兩因觀約餘因性以弁無生觀此上五句約彼事明無生觀也依第一義畢竟離言者以第一義真如不可言說故以依他性雖是離言自性猶可為名言所顯今此真如實性是離言自性畢竟不為名言所顯故言畢竟離言也諸自性事者即此真如是諸法實性故言自性事事者幹事也言說造作影像自性者有二義一言說影像自性二造作適許所執影

像自性由躰相故及因性故都無所有者無有有性而有二我一無  
有以無諸自躰相故二無有性謂無有有家因性由躰相故者即當  
無有也因性故者即當無有性也此躰相及因性由無所得故故言  
都無所得也又釋云由躰相故者成上言說影像自性及因性故者  
成上造作影像自性如是二種都無所有也此即約躰性以弁無生  
觀為第六句即由如是雜染躰性無流轉性者於真如上無十二緣  
生流轉性故言無流轉性即第七句無止息性者依真如上亦無十  
二緣生還滅性故云無止息性止息依流轉流轉既無止息亦無也  
是為第八依此無智邪執為因至一切時分染平等性者由十二緣  
生以無明及見為因於彼離言諸有躰事即是因所生事於真如上  
無初中後初中後兩釋不同一約三世弁初中後過去名初未來名  
後現在名中二約能引所引能生所生以弁初中後能引所攝無明



行為初際所引識名色六處觸受及能生愛取有為中際所生生老死為後際今此真如無此三位差別故言依此無智乃至染平等性也是為第九依於真如至平等性故者此約能觀智離於分別顯平等理性以弁無生是為第十句言能除雜染者即當地經云是菩薩遠離一切心意識憶想分別無所貪著如虛空平等入一切法如虛空性等此文以釋伏難上來約真如中無遍計所執以弁無生恐行

人無分別智亦被除遣故有此文三藏解云遠離一切心意識憶想分別者有二釋一云分別諸法自性名意識分別差別名憶想分別一云遠離一切心意識者遠離八識心王分別也憶想分別者遠離數法分別也無所貪著者翻譯家錯應云無緣滯礙論釋於下地中有三事勝一無功用自然行如經無所貪著故三藏云極明與生智

第十卷 瑜伽師地論記

無有功用無所障礙如虛空平等者論云二遍一切法想三藏云此  
明後得智遍緣諸法如虛空入一切法如虛空性者論云三八真如  
不動自然行故三藏云亦是正覺智緣虛空平等真如也言得入第  
八純清淨住者基師云以有漏心隔故名雜純無漏名純淨此八地  
上相續家釋七地有功用故名雜八地無故名純然言隔不隔此八地  
去有漏心間起家義則師云一向煩惱不行故名純 論住此住中  
至極清淨忍 記曰下第二明由前觀得無生忍於無生忍證得第  
一寂極清淨忍者初地亦得無生忍此二何別基解如顯揚第六無  
生忍有三種所執性名本來無生忍依他名自然無生忍圓成實名  
苦垢無生忍其初地證斷二分別執故名得本來無生忍八地已去  
真俗雙行得自然苦垢二無生忍又八地已去證一味純觀真如故  
名得苦垢無生忍以前證得餘無生忍又以前得分段無生忍八地

已去證變易無生忍又初地等得不入惡道無生忍八地已去非有  
漏心間生無生忍於一切法正尋思已者三藏云七地已前皆有尋  
思及如實智今云正尋思已者由前第七地尋思力故第八地已上  
如實智生非第八地有尋思所以然者八地已上於一切時恒入人  
法二空觀故又解復有出觀非加行法故不作尋思觀爾時乃至永不  
復生者景公云從昔已來由邪分別妄法恒起今既不起邪分別因  
未來妄法永不復生測師云於此八地中一切人執及意識法執皆  
不現行故云一切邪分別執皆悉遠離此如實智乃至極清淨忍者  
景公云功用位修名未清淨今此八地如實智觀離功用故名極清  
淨此如實智即無生觀此文即說八地猶作尋思如實智觀時知九  
地十地亦作此觀唯諸如來永離尋思十地猶有基師云何故不論  
四尋思尋思是因非無生忍以唯是有漏故如實智通無忍是此八

地惠生忍慧故前二文直解與生忍智故前云此復云何謂諸菩薩

論元十 三八

乘

由四尋思於一切法正尋思已若時獲得四如實智故知此智即是  
忍慧有尋思已之言故知尋思不在八地已去以無有漏心故其後  
得智但相似作義無妨其實作尋思唯有漏意欲引生無漏如實智  
無漏智既稱法即是如實何故更作尋思觀引生如實智假設作時  
但是相似非真作之論是諸菩薩至名極清淨記曰下第三明  
除四災患舊名四惱景師云地經說三喻一滅定喻二夢寤喻三  
生梵天喻今此所明四種災患是彼喻中所離過也初二是他滅定  
喻中所離過謂第一即彼滅定喻合云住釋行成第二即彼云身  
口意務第三即彼第二喻合云從初已未見諸衆生墮四大河發大  
精進力廣脩行道至不動地即離一切極有功用行等第四即彼第

三喻合云一切佛心菩提心菩薩心涅槃心不行何既當行世間心也泰師云言四者除斷有微細相現前行者菩薩入觀之時微細相俱不起出觀之時細相猶起今入八地無出入觀故除斷微細現行取相也 論又此菩薩至極生愛樂 記曰是第四句 論即於如是至神通事業 記曰是第五句地經云菩薩得此不動地已本願力故諸佛爾時彼法流水門中與如來智慧乃至衆佛七種勸一勸為成熟諸佛法故勸進莫捨此忍門二勸雖得寂滅解脫常愍念衆生三勸應念本願悲智四勸莫共二乘但未求法性五勸觀佛無量身土等應起示現六勸為得如來無量法脩故應起此法七勸應觀通達十方無量國土衆生法觀別事 釋如彼經論基師云此住菩薩無功用何假須勸義曰以得無相故名多入無相不樂進脩諸佛七勸令起無相觀起無相觀已自然如異熟任運而進不待加行

十第卷記論地師伽瑜

論如是蒙佛至分身妙智 記曰是第六句地經云金剛藏語解脫  
月言佛子若諸佛不與此菩薩起智門轉者是菩薩爾時即入涅槃  
奔捨利益一切衆生以諸佛與此菩薩無量無邊起智門故於一念  
中所起智業以從初發心以來乃至竟第七地百分不及一云云乃  
至非竿數譬喻之所能及所以者何佛子先以一身起行智故今此  
菩薩地中得菩薩無量身差別故集無量行力故等乃至廣說基師  
云引發無量分身者即引發令生五分法身也 論得十自在至皆  
得善巧 記曰下第七明得自在按地經先說三自在謂器世間自

論第十 三十九

乘

在行衆生世間自在行智正覺自在行次說十自在在此中但說十自  
在言得自在故隨所欲住如意能住者此明命自在隨樂安住靜慮  
至如意能住者明心自在若覺思惟乃至悉能現行者財物自在普

於一切能感生業者明業自在及於一切受生處所自在往生者明  
生自在隨所愛樂至皆能起作者如意自在一切妙願皆得稱遂者  
明願自在隨於事物至皆成無異者勝願自在隨所欲知所知境界  
皆如實知者明智自在普於一切名句文身至皆得善巧者明法自  
在 論如是菩薩至應知其相 記曰第八明自在勝利按地經云  
菩薩得十自在已即時名為不可思議智者等乃至廣談論釋大勝  
者有三種大一智大二業大三業淨三彼二住功德大廣釋如彼  
論又能奔捨至如經應知 記曰下第九明善根清淨按地經云佛  
子譬如本真金善巧金師作莊嚴具已繫在闍浮提王若頭若項闍  
浮提人餘寶莊嚴是無能棄者如是菩薩住不動地諸善根一切聲  
聞辟支佛乃至七地菩薩所不能壞菩薩得此地大智光明滅諸衆  
生煩惱障又云譬如千世界主大梵天王能於一時流布慈心滿

第十卷 記論地師伽瑜

千世界亦能放光遍照其中如是菩薩住此地中能放身光照十千  
万三千大千世界微塵數世界衆生漸能滅除諸煩惱火令得清淨  
論此住菩薩至應知其相 記曰第十句也受生者地經云菩薩住  
是地中多作大梵天王主千世界自在取勝威力者如經說於一念  
間得百万三千大千世界微塵數三昧及見佛等乃至廣說 論當  
知是名至無相住 記曰大文結等 論云何菩薩無至愛樂隨入  
記曰無礙解住中間解結解中有七初明於第八地甚深住中不生  
喜足入勝進地經明十句為法師方便今此中云於甚深住不生喜  
足者即當經中第一句經云佛子菩薩以如是無量智善思量智更  
求轉勝甚深寂滅解脫故復於增上智殊勝性愛樂者當經中第二  
句經云復轉求如來究竟智故隨入者當經第三句經云入如來深  
密法中故餘之七句此中略也亦可隨入言即通攝後八句也基師



云問前八地除四惠中第二除斷於上清淨住精勤思慕何故此地上有於智殊勝性愛樂趣入我曰前有所希求是深法執七地起之八地斷之今此地但無漏觀中愛樂智殊勝亦樂無礙解非深法執

三十

故不同前也

論是諸菩薩至一切種法

記曰是第二句基師云

問何故入八地已名無加行此地有起加行智之言義曰前七地中於上解須勤加功行方乃趣得名加行於佛地中欲為有情說法住運而說非加行今此住已趣入上脫故無加行智住運如異熟增勝然欲為有情說法時不能如佛住運說須作意起說即無漏觀中起作說法名起加行故不同前 論普於一切至皆如實知 記曰下第三明此所作事如實知地經明稠林有十一一衆生心行稠林二煩惱行三業行四根行五信行六性行七深心行八便行九生

行十習氣行十一三聚差別行稠林三藏云信者錯翻應是勝解故  
花嚴經云勝解脫也今此文云當知此中說法所作者正出稠林相  
此下文相極難三藏勘釋論以釋此文云謂於一切近稠林行者此  
摛舉十一稠林如心行等十一稠林即是菩薩所觀境也如此雜緣  
如此清淨者是心行稠林也即淨心行故由此雜緣者即是煩惱  
稠緣業行稠林由此清淨者是根行稠林謂信等五根也若所雜緣  
若所清淨者謂信行稠林即是勝解若與煩惱相應名所雜緣若與  
清淨法相應名所清淨若非一向者謂性行稠林深心行稠林是菩  
薩所觀或是有性或是無性非一向也若是一向者是便行稠林生  
行稠林謂諸屬煩惱一向緣故菩薩思苦等五生是清淨故故云一  
向也問便行稠林與前煩惱稠林何別答煩惱是上心便是種子故  
有此別若通二種者謂習氣稠林及三聚行稠林皆通攝性行稠林

等四種習氣故云通二種又攝三聚有情故云通二種也景師云謂於一切近稠林行如此雜染如此清淨者撝舉除淨法也由此雜染由此清淨者舉除淨因也若所雜染者所清淨者明除淨果也若非一向者不定聚也若是一向者邪定正定聚也若通二種者通三聚也言稠林行者如經說有十一地論云稠林者衆多義故難知義故行者不正信義故廣說如彼論論如是菩薩至應知其相記曰下第四明方便善巧成大法師言於說法中方便善巧者牒上第二句於說所作方便善巧者牒上第三句基師云說法威儀名於說善巧稱機宜說名於說所作又所詮合理名於說法善巧稱機益物名於說所作於一切種成大法師者地經云菩薩住善惠地中略說作

大法師住在大法師深妙義中守護諸佛法藏論釋是中說者持者

二句示現在大法師深妙義中有二十種能作法師事一時二正  
意三頃四相續五漸六者次七句義漸次八示九喜十勸十一具十  
二不毀十三不亂十四如法十五隨衆十六慈心十七安隱心十八  
憐愍心十九不着利養名聞二十不自讚毀他乃至廣釋獲得無量  
陀羅尼門者經云得衆義陀羅尼乃至第十得種種義陀羅尼得如  
是等陀羅尼門滿足十阿僧祇百千於一切種音詞支具剖折善巧  
者即詞無礙弁才無盡者樂說無礙也成就如是法陀羅尼領受堪  
能者如經云是菩薩於一佛所以十阿僧祇百千陀羅尼門聽受法  
如從一佛聽法餘無量無邊諸佛亦尔菩薩由此勝無礙解引發言  
詞能坐如是微妙法座者由餘三弁引發詞弁所作自在堪昇法座  
廣說四無礙如彼經中若於是中者釋論云謂說法時大集會中也  
若於是處者謂說法國土處也宣說正法盡所有門者隨其根宜宣

說正法盡彼法門者由此故乃至皆悉成就者由此機根於諸有情  
或須勸導或須慰喻此等情能悉皆成就 論善根清淨至應知其

相 記曰第五六七句也善根清淨者如經云譬如真金作莊嚴具

已繫在轉輪聖王若頸若項一切小王四天下人所有一切諸莊嚴  
具無能及者如是菩薩住此地中善根轉勝明淨一切二乘及下地  
菩薩所不能及又云譬如大梵王二千世界中所有一切深稠林處  
皆悉能照如是菩薩住此地中善根光明照諸衆生煩惱心稠林處  
照已還攝受生者如經說住此地中多作大梵天王得大勢力主二  
千世界於中自在威力者如經說於一念間得十阿僧祇百千佛國  
土微塵數三昧及見佛等乃至廣說 論當知是名至無礙解住  
記曰結也 論云何菩薩寂至受法灌頂 記曰寂上成滿菩薩住  
中初問次解後結釋會名解中准下結文旣無別結是則文難開判

十第卷記論地師伽瑜

論地師伽瑜  
卷十  
三  
集

若依地論第十地中有八分差別一方便作滿足地分二得三昧滿足分三得受位分四入大盡分五地釋名分六神通力無上有上分七地影像分八地利益分今此文但有前六略無後二今准前來判為九句初明九地行滿堪入十地為灌頂王地論名方便作滿足地分如經說佛子若菩薩如是無量智乃至第九菩薩地善擇智善滿足清白法等乃至名得至一切種一切智智受位地論釋地方便作滿足地分者於初地至九地中善擇智業應知此善擇智有七種相一善脩行故有三句如經善滿足清白法集無量助道法善攝大功德智惠故下有六相配經下六句廣釋如彼論得離垢等至現在前故記曰第二明得三摩地現前地論名三昧分言得離垢等無量無數勝三摩地者如經六佛子菩薩隨順行如是智得入受位地

即得菩薩名離垢三昧而現在前乃至第十名現一切諸佛現前住  
菩薩三昧而現在前如是等上首十阿僧祇百千諸三昧門皆現在  
前言作彼所作者當彼經中次云菩薩入此一切三昧善知三昧方  
便乃至三昧所作正受言一切智智等者當經次云最後三昧名一  
切智智受勝位菩薩三昧而現在前 論得一切佛至所化有情  
記曰第三明得一切佛相稱妙座灌頂化導地論此名為得受位分  
如經云是三昧現在前時即有大寶蓮花王出周圍如十阿僧祇百  
千三千大千世界乃至廣說論釋是中得受位者隨何等座隨何等  
身量隨何等眷屬隨何等相隨何等出處隨所得位隨如是說六事  
應知乃至廣釋今此中云得一切佛相稱妙座者是第一隨何等座  
座處有十相一主相如經即有大寶花王出故二量相如經周圍如  
十阿僧祇百千三千大千世界故三勝相如經衆寶莊嚴故四地相

第十卷 記論地師伽瑜

如經過世間境界故五因相如經出世間善根所生故六成相如經  
行諸法如幻性境界所成故七第一義相如經光明善照一切法界  
故善照者名為正觀故八功德相如經過諸天所有境界故九躰相  
如經大琉璃摩尼寶為華等故十莊嚴具足相如經花身有無量光  
明衆寶間錯其內無量寶網弥覆其上故言身者是第二隨何等身  
重如經說尔時菩薩其身殊妙緋可花座等言諸眷屬者是第三隨  
何等眷屬如經說尔時大寶蓮花王眷屬蓮花上皆有菩薩等得大  
光明往來普照者是第四隨何等相如經是菩薩昇大寶蓮花王座  
及眷屬菩薩坐蓮花座入三昧已尔時十方一切世界皆大震動一  
切惡道皆悉住息光明普照一切法界一世界皆悉嚴淨皆得見聞  
一切諸佛大會第五隨何等處者即是光明所出處也如經說何以  
故佛子是菩薩坐大寶花王座時兩足下放十阿僧祇百千光明乃



至功德智慧而現在前故也一切行相一切智智唯願其頂等者是  
第六隨所得位如經說如是佛子尔時諸佛教眉間白毫相光名益  
一切智通乃至入彼頂時名為得位等基師云謂以法水灌灑其頭  
名一切行相此乃一切智智之所作也 論於彼解脫至大神通力  
記曰第四明於解脫方便如實智達得無量解脫摠持神通地論名  
入大盡分別有五種一智大二能說大三三昧大四陀羅尼大五神  
通大今此云於彼解脫方便佛事者是三昧大三昧能與解脫為因  
故言解脫方便佛事言得如實智者是智大達得無量解脫者是解  
脫大陀羅門者是陀羅尼大大神通力者是神通大廣說如彼 論  
及此增上至訓詞安立 記曰五明得大念智訓詞安立地論名  
地釋名分釋名有三一得大念力能受諸佛雲雨說法故名法雲二

第十卷 地論記 師伽瑜

法身普覆降注法雨滅煩惱塵故名法雲三降注法雨生物生芽故名法雲今此中云及此增上大念大智者是第一名增上引發訓詞安立者是後二釋名也然此釋名下自當釋今先略標以依分次論及大神通增上引發記曰第六明神通分若依地論此下並名神通力無上有上分無上者比餘衆生神通力故有上者比於如來神通力故論善根清淨至應知其相記曰是第七句八及九也經云佛子譬如善巧金師善治此金為莊嚴具以無上摩尼寶珠間錯其中繫在自在天王若頸若項其餘天人莊嚴之具無能及者如是菩薩住第十法雲地中不可思議智行一切衆生聲聞辟支佛從初地乃至住九地菩薩所不能及又譬如摩醯首羅天王光明過一切生處衆生光明能令衆生身心清涼如是菩薩住此地中智慧光明乃至住九地菩薩所不能及可說百千万億那由他佛世界微塵

數三昧及見佛等廣說如經 論當知是名至菩薩住 記曰下第  
三結釋會名文分為三初結上略說次指經廣說後釋會異名又此  
菩薩自如大雲未現等覺無上菩提若現等覺等者基法師云第十  
地有三心一入二住三滿此滿心中名等覺如來名妙覺其入住不  
名等覺若在入住二心名未現等覺若在滿心名已現等覺又等覺  
是佛未必是等覺菩薩言此菩薩在當地未成等覺亦能化生如雲  
雨說法若成等覺佛已亦能化生雲雨說法言與佛相似如等覺菩

論卷十

三十四

薩名等覺 論如是所說至方乃建立 記曰上來廣明住中別至  
已訖自下提明文分有五初明脩證分齊二明斷除分位三明清淨  
漸次四明攝前功德品中八法在此十三住中五明以大類小次第  
相當初中分二先通伏難後明諸住脩證經劫多少前中難意十地

十第卷記論地師伽瑜

菩薩一一皆脩万行云何前說初地脩檀二地持戒三地脩定四地  
道品等耶故論為通如是所說後後住中支分功德非前前住一切  
都無然下品故不墮其數等者前地雖脩未成滿故所以不立至後  
地滿方中立之泰法師云若依此菩薩十二住中所脩功德性初種  
姓住中亦具足有然未成滿故未立餘十一住名雖有此釋不及前  
解 論又即於此至成滿菩薩住 記曰第二文中分三初揔別分  
別諸住劫量次定劫大小并脩長短後明精進能轉不轉前中先別  
後揔別去又即於此一一住中乃至得圓滿者一一住中經多水火  
風等大劫脩習方滿然一切住已下是揔論也言此就恒常勇猛精  
進及言此即決定等者景師解云初僧祇中行有興廢但是空過不  
脩行時簡劫不取唯約起行以尅取時初地已去時行相扶無空過  
時以得淨意樂故復經第三無數大劫乃至證得軍上成滿菩薩住

者基師云何故此不言證得如來義曰此三劫皆在因故不言證佛  
佛三劫外故又前明二劫文中皆有次第之言乃至證得極喜住等  
今此第三無次第之言故不言如來地但守自位 論當知此中至  
不過此量 記曰第二定劫多少中云若就後說乃至不過此量者  
遠師云以不思議經中百二十數作一僧祇量又解百二十數中初  
有百三為初劫量次有十四為第二劫後有三數為第三劫景師云  
此文分明人引瓔珞經云第十地滿更經多劫學象王步等方得菩  
提證三祇外更經多劫似小乘三祇後更經百劫脩相好業此事  
不然舊攝論云或說三祇或說七僧祇或說三十三今定明三大劫  
僧祇即得成佛不過不減此處論文云但經三無數大劫不過此量  
瓔珞經就第十地中義分無數小劫於中脩習象王步等猶是三祇  
數內而無有過大師云以經為正但以論意以多攝少故云不過又

第十卷 瑜伽師地論記

解論弁寶不同小論又云瓔珞經者前秦世竺佛念譯而今三藏不信信悖去瓔珞經不在目錄不堪用證 論若正脩行至無數大劫

瑜伽師地論記卷第十

第三十五張

重刊字

記曰第三精進能轉不轉中謂地前行有興廢同住菩薩得有超劫地上無超中劫者刀兵劫也大劫者水火劫也 論又由如是至脩斷資糧 記曰自下第二明斷除分位此云三住斷除二障是彼二障三處過義謂於極喜住中乃至入如來住者謂於初地斷惡趣煩惱感惡趣者多是分別從多為論故云斷惡趣煩惱又伏脩惑上中二品令不現行於第八地中斷脩惑上中二品伏其下品提不現前金剛心時頓斷一切脩惑種子三藏云依對法說一切煩惱皆伏至後金剛方斷此中文說第八地斷者但斷惑種躰上有不調柔性名斷處重非斷種躰其初地中斷見惑處重并斷處重所依見惑種子

搃名麤重第八地唯斷麤重未除脩惑種以脩惑種於十地中所受報身分段變易皆有功能助業牽生故留不斷故第八十云於十地中但脩所知障對治不脩煩惱障對治泰師云舊來諸師殘氣名為習氣今則不尔煩惱種子亦名習氣亦名隨眠當知所知障品所有麤重亦有三種等者景公云此云在皮膚肉者多就樹木木心貞國名肉舊云皮膚骨亦名皮肉心此二種名通約情非情法為喻佛地皆斷肉者據解脫道證斷名斷類斷煩惱障亦應名佛地斷而言寂上菩薩斷者據無間斷類斷所知障無間正斷亦應言寂上住斷此據影略乎顯基師云何故煩惱障不言在皮等義曰煩惱有品以三品言之今此障不然故以在皮等言也三藏云此之據麤重不一據所知障種子文脩師據所知障於三住中乃至脩斷資糧者景公云種姓解行住脩極喜住斷惑資糧從初地脩道乃至七地脩第八地

十第卷記論地師伽瑜

斷道資糧九地脩十地斷道資糧此乃偏據三祇滿處說三住斷現  
實煩惱障中脩惑諸住不斷脩師云如所知障於十地中地地別斷  
脩道煩惱亦於諸地諸地別斷而約究竟處說故言三住斷也餘地  
斷未究竟故言脩斷資糧基師云所知障地地斷何故今言資糧耶  
義曰雖斷自地由起後地諸惑此三處斷之并後地自地永不行致  
不同餘地不言資糧也 論即於如是至究竟清淨 記曰第三明  
清淨漸次中以合三惠為一故但十一 論如前菩薩至究竟出離  
記曰第四明攝前功德品中八法在此十三住中功德品云有八種  
法能具足攝一切大乘一者菩薩藏教二者即於如是菩薩藏中顯  
云無生無曾起事故言無起無現在相事故言無相也若依次第先  
說過去次說未來後說現在然不依此次第故言謂於三世如其所



應也一言本來無生者無過去生無起者無未來起無相者無現在  
相若依次第先說過去次說現在後說未來然不依次第故言如其  
所應也此上三觀約三世果事以并無生觀依餘因性無成無壞者  
一切有為是■能生諸法名為成因亦能滅諸法名為壞因以其真  
如不能成壞餘因故言依餘因性無成無壞此■因觀約餘因性以  
并無生觀此上五句約彼事明無生觀也 第一義畢竟■言者以  
第一義真如不可言說故以依他性雖是■離言自性猶可為名言所  
顯今此真如實性是離言自性畢竟不為名言所■故言畢竟離言  
也諸自性事者即此真如是諸法實性故言自性事事者■事也言  
說造作影像自性者有二義一言說影像自性二造作遍計所執影  
像自性由■相故及因性故都無所有者無有有性而有二義一無  
有以無諸■■相故二無有性謂無有有家■性由■相故者即當

無有也因性故者即當無有性也此躰相及因性由無所得故故言都無所得也又釋云由躰相故者成上言說影像自性及因性故者成土造作影像自性如是二種都無所有也此即約躰性以弁無生觀為第六句即由如是雜染躰性無流轉性者於真如上無十二緣生流轉性故言無流轉性即第七句無止息性者依真如上亦無十二緣生還滅性故云無止息性止息依流轉流轉既無止息亦無也是為第八依此無智邪執為因至一切時分染平等性者由十二緣生以無明及見為因於彼離言諸有躰事即是因所生事於真如上無初中後初中後兩釋不同一約三世并初中後過去名初未來名後現在名中一約能引所引能生所生以弁初中後能引所攝無明行為初際所引識名色六處觸受及能生愛取有為中際所生生老死為後際今此真如無此三位差別故言依此無智乃至染平等性

也是為第九依於真如至平等性故者此約能觀智離於分別顯平等理性以弁無生是為第十句言能除離染者即當地經云是菩薩遠離一切心意識憶想分別無所貪著如虛空平等入一切法如虛空性等此文以釋伏難上來約真如中無遍計所執以弁無生恐行

瑜伽師地論記卷第十

第三十七張

庚字号

似又住果時亦得類菩薩以戒得初果亦有故何故要似菩薩屬初地時名第四住前解為勝共所傳故其下心學惠學准此進趣心應知論本地分中至第三持究竟瑜伽處生品第一 記曰菩薩地四處此為第三由前隨學方便清淨究竟稱利自他故名究竟瑜伽處此處有五品報生為初故言第一 論諸菩薩生至五者最後生 記曰就五品內初有三品弁自分行次有一品弁勝進行後有一品對行弁果前中有二初有二品正弁自分行後之一品弁行所依地前

中復二初明五生利衆生行後明六種攝衆生行前中分三初舉數  
列名次次第解釋後明五生攝生周盡此即初也 論云何菩薩除  
至當知無量 記曰解釋除災生中先問次解後結略指廣解中有  
二初并息除現在五苦後并斷除邪見惡行現在五苦者一飢饉二  
疾病三兵甲四怨敵五治罰言持有神驗諸明呪力攝受廣大良藥  
王身等者先以願力後以呪力攝受自身支節上下皆成良藥分割  
施他除他疾疫 論云何菩薩隨至當知無量 記曰次二可知增  
上生中基云謂初住作一天王二住四天下乃至第八為小千界主  
第九為二千世界主第十菩薩生摩醯首羅天即淨居其實在下二  
界間以無漏業生故名色究竟上此據未得究竟法界受用為論景  
云具足應言摩訶摩訶是大醯首羅此云自在 論云何菩薩取至  
當知無量 記曰最後生中或生摩羅門大國師家等現等覺者景

云是變化身化相成道若實報身寂後生者其身殊大生大蓮花量  
同法界基述三藏言有經云佛告慈氏汝婆羅門家生我刹帝利家  
生我是右脇而生汝是頂上化生我壽八十汝年六万歲等此別有  
經與玆勒經相違勘問 論若諸菩薩至正等菩提 記曰攝生周  
盡文云唯除凡地菩薩受生此取有智菩薩為五生者有二解一六  
唯取入於十信已上乃至十地為此五生不取十信已前外凡種姓  
菩薩所受生也二釋唯取大地有智菩薩為初受生不取地前凡地  
菩薩以於衆生未平等故初地至七地來所受五生通於實化八地  
已上唯受化生三藏存後釋好 論本地分中至攝受品第二  
記曰前明為初示受五生於五生身以六種攝攝益有情說明攝品  
論於一切住至若過若增 記曰就中初明六種攝受於中初開六

第十卷 瑜伽師地論記

門次依門釋後明六攝攝義周盡 論菩薩如是至自正能免 記  
曰第二明攝受艱難於中初明遇十二難事後明能治此十二之善  
巧方便於中更相難可取別基法師云初之十句次第各對一所治  
第十一句釋上第十一第十二艱難之事論云或於其中應觀輕重  
如其所應而作方便者即前第一可知或於其中應審簡擇補特伽  
羅即第二由審簡擇前有情故柔順美語自不起煩惱或於其中攀  
緣勇猛攝受因轉者即第三雖物少運心攀緣薄布令遍起攝受  
因若發正願者即第四雖無力能普為營事但發正願後有力時普  
為營助或於其中制御其心不令流散即第五諸受樂者多着放逸  
攝心不散能離流散或於其中安住其心者即第六無能利生安心  
恭作後當果心猛利思擇者即第七起思擇心可攝攝之不可攝者  
捨之不生厭倦而自安忍者即第八可知或於其中而行放捨者釋

前第十謂於此物約難捨故不應生戀而取施與之或此釋前第七  
此生可捨前猛利思擇合釋第八或於其中發勤精進熾燃無懈者  
次第却釋前第九可知若以此前而行放捨却釋前第七者此即合  
解第九第十或於其中善巧方便釋前第十一對治可知而正修行  
者釋前第十二可知或有釋前對治如前配或於其中安住其心下  
乃至而自安忍求解前第八對治或於其中而行放捨釋前第七句  
對治或於其中發勤精進熾燃無懈者釋第八第九第十三句此中  
精進為一熾燃為二無懈為三如次為三或於其中善巧方便而正  
修行合釋十一十二如前釋可知若依地持此中能治有九句不可  
依勘雖有多言而未為決今更釋之新舊二論皆如次第有十二句  
治前十二難謂此中初云若諸菩薩遭諸難事或於其中應觀輕重  
如其所應而作方便者舊論云菩薩於諸衆生不觀輕重而為方便

瑜伽師地論記卷第十

瑜伽師地論記卷第十

第三十九條

六字

此即治前第一難第二云或於其中應審簡擇補特伽羅舊云或察於人而行於悲治前第二難第三云或於其中攀緣勇猛攝受因轉舊云或勇猛方便為造因緣治第三難第四云若發正願舊云或修正願治第四難第五云或於其中制御其心不令流散舊云或淨信心治第五難第六云或於其中安住其心舊云或專心治第六難第七云猛利思擇舊云思惟觀察治第七難第八云不生猒倦舊云不倦倦治第八難第九云而自安忍舊云或時柔軟治第九難第十云或於其中而行放捨舊云或時行捨治第十難第十一云或於其中發勤精進熾燃無懈舊云或時精進治第十一難第十二云或於其中善巧方便而正脩行舊云或時巧方便治第十二難也

論本卷第四十九 論本地分中至地品第三 記曰攝益自地階



級名地前明生攝二品是行行必依位故次明地品 論如前所說  
至當廣演說 記曰文中有三初明攝十三住以為七地二明初地  
離惡趣因緣三明十種淨脩地法前中云第七一種菩薩如來雜立  
為地者前明第七唯在第十地今何以通取者據實通在佛中前唯  
約因位故略不明佛也今實錄之故兼取佛無加行乃至墮在第三  
決定中故者景云前功德品中明三決定一種姓決定有種姓者必  
成佛故二發心決定發心已後必定不退故三無虛行決定此三決  
定位地難知十信已前名種姓十信名發心十解已去名無虛行此  
中論文既說八地名第三無虛行決定即知前之七地名發心決定  
地前摠名種姓決定以其地前未有無漏現行但有成就無漏種子  
故基云發心決定謂入初地今第八地名不虛行決定有釋此第三  
謂在初地今取前解如顯揚文在初地謂得自在時又釋此第八地

在第三僧祇如異熟住任運起行故更無有漏心隔名決定故云也  
論問菩薩從至淨勝意樂地 記曰第二明離惡趣中云百一十苦  
如第四十四卷言一切有情諸惡趣業以淨意樂悉願自身代彼領  
受者淨意樂有二種一無漏謂入地上二勝故名淨即此地前者是  
論如前住品至能淨脩治 記曰第三明脩諸住能淨十法於中初  
牒前起後開列三章第二章次第別 第三總結如前住品所說  
信等能淨脩治諸住十法者此牒前也今於已下明起後也安立能  
治所治者是一章門略義者第二章門次第者第三章門後依此三  
解釋可知 論本地分中至行品第四 記曰上來三品并自  
分行訖次此一品并勝進行依地起行故地後明行行有四種因以  
標名 論菩薩始從至所行善行 記曰文中有三初通明四行第  
二偏解波羅蜜行第三重解四行前中又三初舉數列名次釋後結

釋第一行中有三番釋初云前說六種波羅蜜多等者前說六度品

華嚴經疏記卷第十

第四十疏

重字號

也其方便等四是前六助伴此為一番言如前所說十二行相方便  
善巧者謂如前菩提分法品中明內六外六十二種善巧也五種大  
願亦如彼品其實十願據勝者論故云前五也又解總有五種願開  
大願為十種也十力方便如力種姓品也安立者謂安立教次并二  
智差別第六緣真第十緣俗此為第二番復有異門謂無量智名方  
便者或取四無量相應智或前無量智為方便躰求後後智殊勝性  
名願躰此文分明說智希求名願躰魔惑不壞道性名力力還是智  
如實知境名智此為第三番也釋第四行云如前所說二種無量一  
所調伏等者問曰何以取此名成熟有情行義曰此所成熟也由有  
此故起行而成熟之故並取也 論應知此中至波羅蜜多 記曰

第二偏解波羅蜜多行中有三初解波羅蜜義第二由三因緣次第建立第三攝彼六度以為三學就初解義中基云有三到彼岸一時到彼岸謂三大劫二躰到彼岸謂如如在因染故未顯在果明顯故名到彼岸三菩提彼岸二乘名因不名圓果大菩提名果到彼岸三藏又云此有四加善根到彼岸大乘善根而勝二乘也故此中論云過餘一切世間聲聞獨覺善根者是若即准此下論文唯有前三者以善根能得妙果不取善根為也 論應知如是至次第建立 記曰就解第二門中初開三章後依章釋當知所餘波羅蜜多即此所攝者治六弊故立六度當知後四度即前六攝如相續解脫經中行別相攝方便度是前三伴願度是精進伴力度是定伴智度是惠伴若依地經後之四度通伴前六即前六中善巧攝生名方便度能上增進名之願度魔法不動名為力度差別異知說名智度即前六攝

不復別論據實如地經相續解脫經據義增勝為論也 論由前四  
種至若過若增 記曰第三明攝六以為三學前四為戒學施為戒  
資糧戒為自性忍為眷屬精進為守護後二為心惠可解 論又諸至  
有諸餘行 記曰上來三段總第二偏解度行自下第三重解前  
四以四解四如其次第文相可知 論本地分中至建立品第五

記曰上來雖復通論因果多分明因自下對因并果大劫勤功須有  
果遂得果成滿求遂本心建立所成名建立品 論依如来住至八  
十隨好 記曰文中初并佛地功德二品末通結前來所并因果前

倫第十 聖

秉

中初列十一功德法門第二隨別解釋第三捨并依如来住者十三  
住中如来住也及依如来到究竟地者七地中第七一分也地住雙  
舉攝義圓也釋相好中文分有六初列相及隨好名數第二得滿分

瑜伽師地論記卷第十

位第三明感相好因緣第四明脩證住地第五相名廢立第六校量  
優劣初列名數准諸經論并丈夫相非為一概且對度論略述離合  
度論師分足跟趺以為二相四佛足跟圓長端嚴廣直七足趺端厚  
兩邊端直與跟稱躡又分一孔一毛為相十一孔生一毛十二身毛  
右旋二十肩膊充滿即搖肩膊以為一相十八身廣洪直相即搖身  
不曲及洪直以為一相又分第二十二相為二相二十三具四十齒  
相二十四齒齊平密二十五牙齒鮮白有光明相即搖此論二十三  
十四相為一二論相望可有四句一此合彼離如趺等二彼合此離  
如身不曲等三彼此俱合如七處滿等四此彼俱離除上三句頂上  
烏瑟膩沙者是重頂骨如來肉髻中有重頂骨存其梵音名烏瑟膩  
沙隨好中云上下齒鬚等者上下齒如冠花鬚並皆殊妙也鬚鬚為  
一舊論分二者謂角鬚兩耳為四者舊論云兩鬚兩角兩耳故即為六

今爾續各一分耳為二故為四好論如是諸相至殊勝清淨記  
曰第二得滿位中此文分明說從初地已上即得相好漸漸增勝乃  
至坐菩提座方乃證得餘之九門功德若圓滿者至佛方得若下劣  
者先菩薩時亦已成就言又此一切菩提資糧略有二種謂去菩提  
若遠若近者謂未得相好名遠即在地前若得相好名近謂得入地  
已上何以得知者即次前弁入淨勝意樂地諸相隨好已得異熟故  
知地前不得實報相好又此卷後文云相好若在種姓地唯有種子  
依身若在解行地脩彼方便若在勝意樂地乃名為得在諸上地名  
清淨在佛地得善淨無上論又薄伽梵至廣建立已記曰第三  
明相好業因中先標說意道理一切淨業得感相好因無差別而隨  
樂聞說業差別次正弁業因於中有二初廣建立後略說廣中有四  
一明六十三業感於相好二唯淨戒感於相好三弁合立四攝結言

十第卷記論地師伽瑜

唯一住故者唯一寂處也依一友故者依友為師造此業也或同一住處共相攝受同一師學如水乳為斯義故身諸毛孔各一毛生也論後次略說至殊勝清淨 記曰就略說中謂捨依分品四行能感

倫流十 四三

重

相好彼說四行一善脩事業二方便善巧三饒益有情四無倒迴向就初善脩事業曲有四種謂決定脩作委悉脩作恒常脩作無罪脩作今直就初善脩事業四種以明能感一切相好於中決定脩作能感一相委悉脩作能感九相恒常脩作能感五相無罪脩作能感餘相者於此脩內開為八句一無損加行感二相二次第應時加行感一相三歡喜淨心現行諸善感四相四不依稱譽脩善覆藏已德感一相五所脩善根迴向善提感四相六脩善無勝無劣加行感二相七於諸有情以利益心平等瞻視感三相八於下劣善不生喜足起



勝加行感一相如是捻數三十三以圓第十四身諸毛孔一一毛生如紺青色螺文右旋重感十五身皮金色二十二齒齊平故其若如一合二還成數三十二相也 論當知如是至善淨無上 記曰第四脩證位地即有五位一種姓地唯有相好無漏種子二勝解行地十解已去學作空觀為能得無漏之方便也三增上意樂地現起無漏資熏有漏感勝異熟四上地轉勝五佛地無上 論如是諸相至說名隨好 記曰第五相名廢立如是諸相是有色故三品衆生易了知故立為相餘不共法以難了知故不立相又即如三十二相與餘功德所依能住持故偏名為相由極殊妙令身端嚴故名隨好 論又於此中至諸相隨好 記曰第六校量優劣先弁校量後乘明三無量言大法螺相者前三十二相中無法螺相法螺相者即是如來咽喉中相感得四大其形如螺從此發聲遍無邊界寂趣圓滿所

第十卷 瑜伽師地論記

攝自躰者前說相好及相好外眼根耳根鼻根身根扶根四塵並是色蘊所攝自躰從於無量福德資糧所感 論云何如來至耨智清

淨 記曰四清淨中一所依淨謂煩惱品愈重習氣永滅者此據受用身又於自躰取住捨中自在而轉者此據變化身也此中兼取煩惱愈重習氣戒如對法第十四唯有取住捨無前永滅習氣等即此菩薩地解功德品中亦同對法此有何意此中據攝法周彼中據有為淨不取無為淨據實有通無為第三心淨謂一切心愈重永滅離故者明定清淨由愈重盡入住無礙此明離過又於心中一切善根皆積集故者佛甚深定善根積集此明定用能攝勝德第四智淨諸常四智皆得清淨已離無明愈重此明智躰離過無礙自在者弁其

瑜伽師地論記卷第十

第四十三張

庚字號

智月能攝勝德

論云何如來至十力經說

記曰解十力中文分

為二初別分別十力緣境二後卷初總作七門分別前中先列名後次第釋依下決擇十力以如量智為躰依後卷初出自性言謂總五根為其自性由惠勝故但言處非處智力等不言信力及餘力等以緣十境即名十力從境為名 論當知此中至正師子吼 記曰釋初力中先別解十一句後總弁略義初文即釋經中十一句義若准下釋大及仙尊位分為二句者應云十二句今准略義可是十一句也所謂如來處非處如實智第一力成就寂上涅槃大仙尊位自知轉梵輪大衆中正師子吼也言淨不淨果不平等因與上相違是名非處者自在天等不平等因非生果處遠離一切增上慢智說名如實者世尊遠離未得謂得增上慢智故名如實此即釋上諸有所說一切如實故名如來若一切智等下此復轉釋向前遠離一切增上慢智指如前菩提品說次解第一次解力義此上釋經中如來處非

第十卷 記論地師伽瑜

處第一力義也已下釋經中處非處力境界餘文有五一所應得即是涅槃二能得方便即八支道三自證滅道四為他開示名轉梵輪增語是名謂諸如來有是梵名說名為梵寂初能轉從此已後餘復為餘已下展轉化道遍諸有情此解輪義五世尊自顯墮在諸佛說法大師圓滿攝故能說正道破邪道於道悉敵無有怯弱為伏他論宣揚自論故名師子吼 論以要言之至正師子吼 記曰下第二略義有兩番初番云自利行滿即上涅槃大仙尊位自知利他圓滿即上轉梵輪以能顯發弁了施設開示二利圓滿不共故名大眾中正師子吼亦可十二句中上之九句名自利圓滿後有三句名利他圓滿第二番云復有異門此中略義謂所應得等者結前五義一所應得即上涅槃二勝方便即上八支道三自知滅道四轉梵輪五於眾中正師子吼 論若有諸業至若過若增 記曰業力中初釋後

結釋有八門第三知四法受廣如自利利他品中說結中云一切分位者謂四法受加行差別者謂有益無益等 論有四靜慮至等持等至 記曰定力中初弁所知後明能知力躰所知有四一知等持等至所化種類二知障治三知假立四知清淨有四靜慮有八解脫者總舉所知即由如是乃至皆能成辦者知定功能若隨彼彼乃至名

論疏十 聖品集

等持等至者等持色類差別有十一等至有六廣說如三摩呬多地如說乃至乃至廣說者引佛謂此定力故放光普照聲說普聞唯阿含經佛或有時為化梵衆往彼天上身顯勝光口宣妙法諸梵見光聞其所說不觀其形如是如來乃至除此無有若過若增者此明如來依靜慮故能有成辦亦是定力所緣之事如來於此靜慮所作乃至等持等至者釋上引經作用乃以結文等偏說如來依靜慮意如

第十卷 記論地師伽瑜

采於此靜慮所作種類多住如實知故。說靜慮所攝解脫等持等  
至不說無色定中解脫等持等至。論又若略說至應知其相。記  
曰第二解障治靜慮解脫雜染有二種清淨有四種與上相違應知  
其相者雜染二種中各有二故初染二者一無功加行二諸蓋現行  
第二染二者一自地煩惱纏二自地隨眠治此四染故清淨有四  
論又即如是至是名建立。記曰第三假立謂依靜慮等引發種種  
功德隨彼功能假立名字。論又即如是至是名清淨。記曰第四  
清淨可知。論如來於此至得無上智。記曰明力能知也。論如  
所成熟至名諸根勝劣。記曰此明根力所緣境也此中唯明入道  
根故但說信等五根若通說生死根即二十二根皆是故婆沙說根  
力通四念處。論若從他信至種種勝解。記曰此明勝解力所緣  
如此勝解或從他信或自觀察即成三品愛樂印解決定名為勝解

舊名欲也 論若廣建立至名種種界 記曰次明界力緣於種子

種子界餘處說貪等行差別有八万四千今說大數故言八十千舊

論云八万四千行 論若即如是至經等廣說 記曰此明遍趣行

力所知有四一知師趣脩觀行二知罪福不動業趣五趣之行三知

朋黨各各趣順相違見行四知餘一切品類差別此世他世無罪趣

行謂知三乘及不定姓於三世中起趣涅槃無罪之行問此遍趣行

力與處非處力有何差別答處非處力知境即寬遍趣行力但知諸

行能有所趣處非處力非准知此亦知餘法所謂大海滴數大地微

塵一切有情諸心所念又知七寶真偽等事知是無量梵天迦羅摩

此云時外國別有時經也 論若於種種至皆能隨念 記曰宿住

力中先揔標舉次別解後略結八言說句六種略行者泰云略說六

行故云六種略行舊云六種同行者同義與略義相濫故譯譯地八

種之事可為言詮故言八言說句景云言說所詮廣即無量略有六  
行於八言說中後三合一同是壽量故但有六言是故唯於如是品  
類發起隨念更無有增者明宿住力隨前起念更無餘境問宿住力  
亦知自他過去無漏滅道不解云今此論中文雖不說道理亦知如  
法花說過去有佛名威音王成正覺等言若言說行所有行相者即  
是所說六種略行若言說句所有標說者即是八言說句及即於此  
隨起憶念者正明宿住隨念力知 論此中靜慮至人中亦無 記  
曰次明死生智力亦名天眼力於中先約天眼力釋後就死生力釋  
此中靜慮說名天住乃至名為天眼者所脩得眼從彼靜慮亦名為  
天故名天眼三藏云光明故名天天是光明義下釋極清淨超過於  
人二句 論諸有情類至墮那落迦 記曰次釋死生智力於中初



明死生時所見好惡色相後明由善惡行往苦樂處於中分二初明  
生惡趣後明往善趣前中初廣釋因果後摠結之所有壞戒者身語  
惡行及彼等起者意惡行也及住彼意異品類者所成邪見等者及  
住外道異品類者所成邪見誹謗賢聖為欲開示那落迦想等者為  
欲開示有情令生那落迦想故經中說墮險惡趣為欲開示自性弊  
事等者為正開示地獄弊事故經復須說那落迦也 論當知此中  
至之所顯示 記曰結云若由此生者惡行邪見等若得生已受諸  
苦惱者正生惡趣也若受苦已復起所餘自業所作種種衆苦者生  
地獄中受先業苦已復起餘業招種種苦 論與上相違至名樂世  
界 記曰下第二返顯往善趣 論一切諸漏至應知其相 記曰  
漏盡力中云於最後有說名內證第六神通者景云阿羅漢人得漏  
盡通住寂後身說名內證佛漏盡力也於金剛心後佛智起時說名

瑜伽師地論記卷第十

內證遠師云我生盡等四如實知道是證智隨義說四即初起證智時得盡智故名我生盡得無生智故不受後有成實亦同

論本卷第五十 論如是別釋至十力自性 記曰上來已別解釋

十種力訖自下摠以七門分別初頌長行列其七門後依七門次第解釋初自性可解 論云何至十力分別 記曰第二十力分別中

遠公云一約時并力於十力中宿住知過去天眼知未來餘七知三世其漏盡通應當分別若就自身現證漏盡得知現在道理所知無

倫

甲六

東

為不墮三世論主攝滅就人故通三世二約法并力於十力中初力寂廣探知自餘餘七亦尔知不淨等是知自相知無我法名知差別相其漏盡力見有陰暗能知自相證空漏盡能知共相餘七知自道理十力亦知無為論主欲就品類并十力故不證無為三約人并力

十力皆緣一切有情於各別有情知利益方便景師云三者能分別  
知諸有情身差別辨事今解新論事義即舊論利益也 論云何至  
十力平等 記曰不共可知平等中言若就如來多所安住等者諸  
佛對機住力即異 論云何至婆羅門等 記曰第五門作業業力  
中初一可知於第二中云及能除伏施福移轉種種諍論等者遠公  
云或計施有福或謂施無福名施福移轉道理應伏一切罪福諍論  
施者多諍故備論也景師云如有一人故往礼菩提樹及以布施有  
人不去即用金銀買取彼人礼菩提樹布施功德又有人言雖買不  
得種種諍論今佛業力降伏此等巧和諸業自作自受無買賣事定  
力中言三神變者一神境神變變現種種令他生信二記心神變即  
他心通記說有情善惡心念令其歸伏三教誡神變即漏盡通自證  
漏盡復為他說令證漏盡及能降伏等者即前神足神變降伏不信

瑜伽師地論記卷第十

他心神變降伏憍慢漏盡神變降伏有情煩惱相違異品惡害等論  
論如來所有報至如應安立 記曰次二可知界力中先略標其相  
後廣升教授前中云能如其報者瞢前報如其意樂者瞢前勝解如  
其隨眠者瞢前種子界也彼彼趣入門中無倒教授如應安立者依  
彼有情或初趣入五停觀門或有趣入五趣行或有趣入朋黨異見  
行門或有趣入三乘聖道行門等也如應安立此教授門即是遍趣  
行力所緣但今說知界差別故乘升之 論此中如來至施設開示  
記曰說廣升中分二初教聲聞指如聲聞地 論云何如來教至今  
心得住 記曰第二明教菩薩於中先問次解後結初業者景云是  
十信也昔遠師古等持資糧已下搃明教授不及前釋資糧有十一  
一淨持戒二得善友三守根門四食知量五指睡眠六具善尋七具  
信解八具行者分九具解處十離三障十一捨執善心廣如成實論

今言資粮攝彼十一 論謂諸如來至有客想轉 記曰解中有  
三初教觀行次勸攝受三教不捨前中先教方便謂諸如來乃至於

瑜伽師地論記卷第十

第廿七張

字五

內寂靜來是也次明教根本觀行於中初教人空觀後教法空觀初  
云如理思惟汝之父母所為立名乃至於此有中如是名想施設假  
立言說轉耶者汝依父母師僧為汝立名即隨此名執有實我汝應  
思惟為離眼等六處別有自性真實之我或離色等六處或雙離內  
外及離中間有此我躋於此有我如是名想施設假立言說轉耶如  
是教觀離內外處都無有我名於中轉汝既如是正思惟已尚於此  
法都無所得者汝思惟已當知於此六處內外都無我躋而可得也  
唯當如是如實了知但於客法有客想轉者勸彼了知但於因緣假  
有之法有假名轉無實者我者名字隨轉 論汝善男子至亦非是

眼 記曰自下教法空觀先觀眼空後類耳等若於爾時於自己名  
唯有客想已生已得者牒前父母為立自己之名唯是假名已生已  
得無實有我言復應在內如理思惟乃至除此無有若過若增者制  
立眼名為一事也名想施設總是眼名之差別也及此唯事於中假  
立名想施設是第二事唯有依他眼根離言說事於中假立立眼衆  
名名不能及前尋眼名執有眼躰是遍計所執畢竟無躰故說眼空  
言於此眼中所有制立眼名想設且非是眼者後明名下所詮無有  
眼躰今時且明眼名作眼故言所有制立眼名眼想且非是眼言此  
唯有事於中假立眼名想等當知自性亦非是眼者此唯有彼言說  
之事於中假立眼名想等當知名字眼自性亦非是眼此立宗也次  
論何以故至眼想眼假施設者下問答并何以故者何以眼名所說  
非眼自性故非於此中乃至至少有眼覺而能轉故者尋名執眼非離

眼名生於眼覺明知離名無眼自性此順釋也若有此事乃至但於  
此事有眼覺轉者若眼名下有實眼躰補眼名者但緣眼躰應生眼  
覺何須更待眼名方生眼覺然無如是乃至眼假施設者客猶是假  
是故此中唯於假立法相理中假立眼名想設無別所詮眼自性也  
汝既如是乃至當得者汝既思惟內眼知無應思眼名唯是假設當  
生當得 論如於其眼至當生當得 記曰上明眼空下類耳等如  
於其眼如是乃至唯有客想當生當得者以眼類餘耳等隨言說性  
畢竟無躰又就見聞覺知隨彼尋伺執取諸法當知唯有假名當生  
當得無有實躰 論如是汝於至心一境性 記曰次明於前觀行

瑜伽師地論記卷第十

第四十八張

手字第

勸其攝受

論如是汝等至究竟出離

記曰下第三勸捨離

論當知是名至諸法現觀

記曰下第三結文初正結次明三世

第十卷 瑜伽師地論記

如來皆同施設後明聲聞若學此觀疾得通惠若能於此如實通達者若觀人空得入苦忍諸法現觀若能迴心雙觀二空便能獲得初地現觀論如來所有至十力作業記曰遍趣行力中云能出離行者五停觀等不出離行者趣五趣行等後三及結如文易知論云何如來至一門次第記曰第六明次第有三初次第中云與其教授令彼趣向世間離欲令彼獲得如實之道者景師云世俗靜慮無顛倒故名如實道有釋如實道者是出世間道故花嚴云為色界衆生說出世道舊論云以禪解脫三昧正受智力先教衆生以世俗道離欲後得出世間道離欲次起宿住隨念智力乃至淨脩行已者牒前第七遍趣行力令彼有情於所趣入門正脩加行攝住心已淨脩行已言為說中道至常斷邊執者由宿住力知彼有情過去因緣令離常見死生智力知彼未來當後受身令離斷見言為令永斷煩



惱從此後起漏盡智力者起漏盡力為彼有情說法令彼盡漏言若有乃至起不作作者起不作煩惱之善作也言增上慢者令其捨離此增上慢者未盡諸漏謂盡諸漏增上慢人由漏盡力令彼捨慢論復有異門至十力次第 記曰第二次第者普於一切緣生法中觀察寂勝妙法住智者處非處智力知愛非愛果住善惡因中故云妙法住智次起業力觀在家分至脩證差別者自業智力知在家人曾當現時脩因證果種種差別如是觀察在家分已乃至如實觀照一切世間者業力觀在家分已次起靜慮解脫智力觀諸靜慮名觀出家以色界定離於五欲名為出家謂觀色界有漏靜慮等非出苦道知諸世間無救無歸由大悲故以其佛眼觀照世間既觀照已乃至其心趣入者次起根力識根授法令心趣入次後如前所餘種種勝解智力等事者從前根力次起勝解力等次第如前 論復有異

第十卷 記論地師伽瑜

門至十力次第。記曰第三次第六觀察一切緣生法界者初力知彼三性因果名緣生法界即知五無量中法界無量次起業力乃至諸果者業力如彼緣生諸法假立有情自作自受即知有情界無量也如實觀察乃至而教授之者次起定力既教授已次起餘力等者起後七力不異於前。論云何如來至亦無差別。記曰第七明差別亦無差別者基云謂如處非處與自業以觀善不善因故名無差別但觀善不善業能感愛不愛果是處非處觀自作善業自受善報名自業力故有差別餘下准此應知景云初力知善惡業得愛非愛果此直知因果法也業力兼知造業受果假人知假人故不同初力亦有差別同知業果亦無差別第二對第三知彼假人能脩靜慮意樂即彼能入是由業力若知即依靜慮現三神變教授有情由靜慮

瑜伽師地論記卷第十

第四九張

庚字号

力第三對第四取彼信等俱生之定是靜慮力若正分別更中上根  
名為根力第四對第五者若由諸根取彼意樂此由根力若正分別  
意樂差別由勝解力因此略弁六種意樂初二一對謂不出離及與  
出離次二一對清淨遠近後二一對謂現得涅槃當得涅槃第五對  
第六若知勝解熏成因類相似種子由勝解力若正照取種子差別  
此由界力因明種子有第四第六對第七若知種種界類所起行跡趣  
入此由界力若正分別行跡趣入由遍趣行智力第七對第八知於  
前際五停五趣等一切趣因由遍趣行智力若知前際八言說句六  
種略行由宿住力第八對第九知依於前際先造諸業故今有情後  
際死生由宿住力若正觀見後際死生由死生力第九對第十若知  
有情自未斷漏即未得究竟故於後際受生相續由死生智力若知  
有情自斷漏事已得究竟心善解脫顯得涅槃由漏盡力言那羅延

第十卷 瑜伽師地論記

天者泰云此翻力壯也天有那羅延力故云那羅延天也有釋摩醯  
首羅名大自在梵天祖公名那羅延梵王名梵世 論如來所有至  
是第四處 記曰四無畏中分文為五一搃標指經二開列四種中  
先搃明四處佛自稱歎後別列四處佛自稱歎言我所知障斷於一  
切法現前覺了即一切智無畏不共二乘煩惱障斷證得漏盡此共  
二乘即漏盡無畏為求脫苦者說道能出苦應當脩習即於向前出  
苦聖道有諸障性勸令遠離 論如來既於至而興謗難 記曰對  
難并中於前二處而興難云佛前自說我具一切智如自弟子夏安  
居竟徙諸處來而便問言汝同住安樂不乞食易得不此即不知故  
問無一切智也又復自稱我諸漏盡而愛語羅睺似有其愛呵罵提  
婆似有嗔恚既有愛恚知漏未盡此前一種於佛身語難於後二處

而興難云前第三說道能出苦如阿羅漢得道滿足而有蛇蝎疾病等苦將知道不出苦前第四說煩惱障道如預流果人已得道竟仍有妻子等愛加撻等患將知煩惱不障聖道故云前後乖反墮非理相而興語難 論謂於世間至都無驚懼 記曰下通難無畏先捻說意佛對世間有明見無明見有他心智無他心智諸大衆前於此自稱歎處能為對治諸謗難中都不見有真實道理能為難相故云都不見有如實因相次別通四難如通初難云師弟別夏今來叅我法須慰問非理不知而問於彼通第二難衆生入道藉種種緣提婆剛強故須應語調之實非嗔恚羅睺調善故須愛語化之實非愛結通第三難羅漢道滿盡來生苦畢竟不受現身病苦酬於前業仍得受之通第四難煩惱障道有其二種謂見道煩惱障於見道脩道煩惱障於脩道初果已得見道見道煩惱畢竟不行未具脩道所以仍

起妻子等愛 論又佛大師至利他行滿 記曰次明立四所以何故無畏但立四種答曰若隨所治怖畏無量能治無畏亦有無量今隨自他智斷興難為通彼難故略明四此中前二無畏通前二難即是自安名為自利後二無畏通後二難是安弟子名為利他 論此中如來至菩薩之言 記曰次明教起因緣此中如來若自稱歎我今現覺諸法故成正覺當知為引菩薩今趣道故若自稱歎一切遍盡為引二乘姓人今趣證故若復稱歎道能出離煩惱障道當知為引求等趣三乘諸有情故問若佛稱歎道能出苦煩惱障道為引求趣三乘諸有情者何故大乘中但言為菩薩不言為聲聞耶小乘經中但言為二乘說不言為菩薩耶為通此難故釋意云如來所說大小乘經句義之內一一皆言為三乘說後二無畏而結集者聲聞藏中除菩薩言菩薩藏中除聲聞言 論如來所有至無量無上 記

曰三念住中意謂佛於長夜欲令有情於我所說三藏教中隨順而住由諸有情有順不順是即佛心有遂不遂不生雜染貪瞋無明此是但據化御衆時如來希欲有遂不遂不生雜染復由三衆差別建立若彼一向順教正行不喜若彼一向皆教起於邪行不憂若彼衆中一分正行一分邪行不並生憂喜但住於捨 論云何如來無至無忘失法 記曰無忘失法中常隨記念若事等者景云凡有營造

論卷十

至一

象

根本作事名事若處者所遊方處若如者作業方便如其根本若時者凡所運時皆無忘失基云若如者即教化生之時隨宜方便也理故名如又即如是方便故名如 論云何如來永至所起作業記曰羅漢威儀等心由帶似煩惱業菩薩不同亦等所起身語或時失所 論云何如來一至種妙智 記曰一切種妙智中景云謂了

知不善無記法簡擇捨離名一切種智了知善法為他宣說名如來  
妙智基云若於不善無記法中無顛倒智知而不作是一切種知若  
知善而作名妙智前似後得智後言正智其實無分別智不觀不善  
等法但作善觀恒唯是妙智其後得智是一切種妙智又後得智二  
種皆有正智不然 論如是一切至當知有上 記曰上來別解十  
一種功德自下總弁總弁有四一明十一功德成滿二菩薩智惠對  
佛弁別三明十一功德為十事利益第四結其建立及以不共前云  
如是一切總名如來百四十種不共佛法者釋已總結下明滿位言  
即於此中至極善清淨者此據成滿菩薩變化身相好謂從觀史多  
天降生人中相好極善清淨若時乃至金剛喻定者十地後證金剛  
喻定資糧極滿爾時名為無師自脩菩提分法從此無間乃至悉為  
無上者此據成滿處說云佛頓得理實諸德從初地來即漸漸得到



佛方滿依慙發悟至證入一切如來行如來地者景云心意流轉不住如車法喻兼舉名為意車佛意車滿超諸菩薩基云以意樂能有運載動義故喻於車 論問一切至有大差別 記曰第二弁差別中有其八喻前五及第八弁智差別第六弁身差別第七弁心差別故後結云妙智身心有大差別 論如是如來至說不能盡 記曰第三明十德能作如來十種事業以合相好為一事業故唯有十言由前所說乃至四無所畏所能成辦者此解第四事於前四難如次知見解了故能答四問也亦可通云於一一難知見解了 論如是所說至是不共義 記曰第四結建立及以不共依此住此者菩薩依此佛所從師學脩習故名依此住佛因行希求佛德故名住此下明不共有二義一者大悲等四法二乘都無少分相似故言不共二者餘德雖分似得皆不圓滿故云不共 論如是圓滿至實依處故

記曰上來品中正并佛地功德訖自下通結菩薩地所說學道及果

倫疏十 五十二

兼

於中初結此地具明因果為教依處次釋地名後歎論勸持前中顯  
示道及果名菩薩地者景師有兩解一云前菩薩地初列十法中持  
學唯因第十建立唯果餘通因果二云建立品唯果佳之與地通其  
因果餘唯是因基云學道謂智果如境又前地有為名學道後地  
有無為名學道果具說乃至實依處故者得明學道及果是一切種  
菩薩藏教所依處也 論又此菩薩至智淨根本 記曰次釋菩薩  
地有衆多名謂此地名菩薩藏本母以具攝大乘因果之義故亦名  
攝大乘也煩惱業苦名為壞路出世對治名不壞路 論若諸所有  
至無量無邊 記曰下歎論勸持謂若諸人天於菩薩地信解受持  
廣為他說所得福聚如於佛說菩薩藏教樂聞受持開示稱讚獲福

無異何以故以菩薩地分別顯示佛說菩薩藏經略標廣釋令他解  
故又由菩薩地開示三藏令多有情受持讀誦如說脩行經於多時  
像似法不與正法不滅若於爾時像似法興能引實益正法速滅是  
故受持菩薩地得福無量也昔遠公云略有九人得大功德一信二  
解三樂聞四受持五修學六成持七供養八恭敬九深重此九人福  
與花嚴中十信菩薩樂聞樂者宣說十地功德無異彼有何德與彼  
等者如彼經云如一切智集諸功德一切智功德門品品復如是若  
人聞者功德亦尔彼文意說如佛地集德無邊十地法門功德同佛  
有人問者德同十地法門亦即同佛

論本地分中至第四持次第瑜伽慶發正等菩提心品 記曰菩薩  
地有四瑜伽慶中初瑜伽內明種姓發心及行方便各有等品是所  
學法第二隨法瑜伽能學之行有其四品謂相分意樂生第三究

竟瑜伽是行成得果是瑜伽之果有五品謂生攝地行建立今第四持更無別法但弁向前二十七品及弁品內法門前後次第故云第四持次第瑜伽要論如是已說至地義次第記曰文中先結前問後第二正弁次第第三揔結正弁中言謂諸菩薩要先安住菩薩種姓乃能正發菩提心者即結種姓品及發心品先發心已方正修行自他利行者此結行方便持內自他利品於自他利正修行時得無雜染方便者結真實義品無雜染故得無厭倦方便者結威力品以此品中明求諸神通得無厭倦故也無厭倦故得諸善根增長方

倫疏十卷三

乘

便者結成熟品得增長已能證無上正等菩提者結無上菩提品此結行方便持五品七法也又於如是自他利加行乃至得大菩提中者勝前所結五品也將脩行時先於甚深廣大正法安立信解等者

此結學之方法力種姓品於彼品中有其六法一勝解二求法三為  
他說四法隨法行五八種教授六種教誡六方便攝三業今言信解  
者結第一勝解訪求正法者此結第二求於正法廣為他說者結第  
三為他宣說亦於正行自能成辦者此結第四法隨法行於成辦時  
若由此於此為此應行者此結第五八種教授六種教誡教授中云  
或由菩薩或由諸佛而能教授故言由此於教授時先審察彼心根  
欲性故言於此既成根已教脩五停治偏增病故言為此即由此於  
此為此而行者結其第六方便所攝三業上來六句總結力種姓品  
由此於此為此行時如令福德智慧增長所應行者即如是行者結  
六波羅蜜品福德智慧既增長已於不捨離生死方便能正脩行者  
總結四攝品及供養親近無量品即於此中乃至正行圓滿者此結  
菩提分法品於彼品中有其二頌總明十五法門初頌頌九後頌頌

六彼頌言慚愧堅力持無厭論世智正依無礙解資糧菩提分止觀  
性巧便陀羅尼正願三摩地有三法溫按南四今言即於此中正脩  
行時能行生死無雜染行者結初慚愧也即於此中正脩行時能於  
自樂行無着行者此結第二堅力持性也即於此中乃至無厭倦行  
者此結第三心無厭倦由於生死無厭倦故乃至得無所畏者此結  
第四善知異論言善知論已乃至善知世間者此結第五善知世間  
如是菩薩至訪求正法者此結第六依法不依人等四依也既訪求  
已堪能善斷一切有情一切疑惑者此結第七四無礙解如是堪能  
斷他疑惑乃至漸得圓滿者此結第八資糧二種資糧既圓滿已至  
能勤脩行者此結第九菩提分法也於脩方便能正了知者此結第  
十止觀也即持如是正勤所脩迴向大乘不求二乘涅槃果者此結  
十一性巧便也既得如是乃至陀羅尼無礙辯才圓滿者此結第十

二施羅旦及十三正願又解略不結正願為欲永斷一切障故精勤脩習三解脫門者此結十四三摩地也即於此中乃至正行圓滿者此結第十五嗚按南亦名四法諦上來已結菩提分品訖自下結功

論卷十

辛四

兼

德品有二十五法於中有其五頌初頌頌七法第二頌頌四法第三頌頌五法後有二頌頌九法如是正行得圓滿已於一切有情及聲聞獨覺皆為殊勝者將欲結後二十五法先牒前勝關二業門所謂正行功德殊勝者揔舉初偈七法以為正行為一業門及可稱讚功德殊勝者揔舉後之四頌一十八法名可稱讚為第二業門故初頌云希奇不希奇平等心饒益報恩與欣讚不虛加行性今此闡列業先結初頌七法言當知此中正行功德殊勝者牒初業門菩薩為利自他勤脩正行者名為希奇用利他事以為自事名不希奇二乘不

尔者此結七中初二希奇不希奇由諸菩薩下此結第三平等之心  
由起如是乃至常施恩惠者此結第四饒益有情不望其報者此結  
第五報恩也菩薩如是乃至欲令彼得利益安樂者此結第六欣讚  
由是利益安樂意樂常能起作不虛加行者此結第七不虛加行當  
知是名展轉引發正行功德殊勝者結業也當知此中稱讚功德殊  
勝者將結後門故牒第二章菩薩於諸佛所獲得授記作諸二乘等  
者此超第二頌先結第三頌也以先蒙記然後起行為此義故先結  
第三頌第三頌中有其五法故彼頌中諸菩薩授記墮於決定中定  
作常應作寂勝軍為後今言於諸佛所獲得授記作二乘者此結第  
一六種授記得授記已便能安住不退轉地者此結第二墮於決定  
中彼說有三一種姓墮於決定二發心墮於決定三決定所作所作  
彼說有五謂一發心決定二哀愍三熾燃精進四於脩處方便脩習



五無有厭倦也恒常所作獲得堅固無忘失法者此結第四恒常所作如是堅固乃至最上施設者此結第五最勝寂為後自下却結第二頌四法故彼頌云無顛倒加行退墮與勝進相似實功德善調伏有情今言普於一切所應作事能無退失者此結第一無顛倒加行於未得退乃至如明分月者此結第二勝進由諸善法轉增長故至不名相似者此結第三真實功德由得真實菩薩名故乃至如實了知者此結第四善調伏有情頌中雖有退墮及相似兩門以非功德所以論家不結自下結後二頌有九法門頌云諸施設建立一切法尋求及如實遍知如是諸無量說法果勝利大乘性與攝菩薩十應知建立諸名号言如實知故一切安立皆得善巧者此結第一施設

建立言從此尋求下此結第二一切法尋求言從此於此由此者謂

後諸如生施設建立於一切法由惠而尋求也言既尋求已由此究竟已下此結三如實遍知言於諸安立得善巧故乃至三摩地王者此結第四如是諸無量即五無量也獲得如是三摩地已乃至皆有勝果者此結第五說法果利能於大乘究竟出離者此結第六大乘性也以依大性而出離故能攝大乘者此結第七攝也由以此復於彼彼大乘出離德中者此結第八菩薩十應知也得彼彼名乃至皆共稱讚者此結第九建立諸名號當知是名所可稱讚功德殊勝者此結第二葉也上來二十五法攝結功德品訖由得如是乃至成就其相結其相品謂諸菩薩有五真實菩薩之相若成就者隨菩薩數乃至廣說是也如是正行乃至所能成辦者結其分品於二分中能成辦已乃至增上意樂者結意樂品如是意樂已下此結住品從此已上乃至遇佛菩薩者此結生品及能起作一切有情諸饒益事者結

攝受品恒常無間乃至如已舍宅者此結地品住此位已乃至不生  
喜足者此結行品如是昇進得究竟已下結建立品是名菩薩地義  
次第者揔結也

論本地分中有餘依地第十六 記曰十七

地者九地明覺次六地明因已訖此後二地弁其果也觀境起行方  
證果故此中若依二乘因亡果聖果立二門以為前後若至佛身菩  
提涅槃分成兩果以為前後攝論世親釋云由種子滅有餘果報名  
有餘依果報悉滅名無餘依又有餘名清離煩惱垢故無餘名涼離  
苦報厭惱故又云應化二身是有餘法身是無餘者此約他受用及  
變化身起用未息名有餘此二若息名無餘以自受用身一向相續  
無斷絕故今此所明不言有餘涅槃但言有餘依為此不得偏取涅  
槃釋論解云有餘依地者謂有餘依涅槃地也依者即是有漏所依  
略有八種一施設依乃至第八後邊依今全取一最後邊依除六攝

事流轉障礙取餘一分又此地中有四寂靜阿羅漢等住無學地具  
四寂靜有少餘依是故說名有餘依地此地即此二乘無學身中有  
漏無漏諸法摠為自性如來雖無真實身心有情餘依而有變化似  
有漏依故就化相亦得說名有餘依地 論如是已說至地施設安  
立 記曰文中初結前生後開三章門後依章弁一地施設安立謂

論顯十

卷六

乘

於十七地中如此文以十一地全五地少分為此地勝所以者何五  
地之中且如無心地中有五位無心謂無心睡眠無想定及報藏盡  
定入無餘依涅槃界等今唯取前四位除無餘依涅槃故言一分是  
此地勝脩所成地一分者景言謂二涅槃並是脩惠所成三乘所得  
今時但取脩惠所成三乘所得有餘涅槃義故言一分基云脩所成  
地中脩成有無為二其無為是無餘依勝今除之取脩成有為問曰

云脩所成但是脩惠何故有無為之言義曰直言脩惠者即不取無  
為今言脩所成既有所成之言故貫通無為也其聲聞等地通明四  
逆其滅諦中有因盡果盡無為今簡去果盡無為故言除一分無餘  
依地即所除全也問曰餘地亦有非此地躰者何故唯除此五地一  
分義曰從多相從論又隨顯相者除其隱相非此地躰者略而不論  
論云何寂靜至是名依施設安立 記曰第二可知第三依施設中  
言及依此故施設如是名字乃至如是壽量邊際等諸想等想假用  
言說者謂於五取蘊施設八言說句如前卷說阿羅漢與此入依相  
應不相應中言與六攝受事不共相應者謂與父母攝受事相應以  
無學人不捨供養父母故餘六捨離故不共相應也與流轉障礙依  
一向全不相應者泰云四識住中由貪趣自故名趣識住等羅漢無  
貪非色趣識住等故無四識住羅漢十二因緣不成因果故也與所

餘依非相應非不相應者景玄與初施設依五取蘊非相應已離諸  
取故羅漢後身雖復離欲身仍是取蘊之類非不相應與彼第三住  
持依名非相應已離四食愛故非不相應羅漢後身仍假四食支持  
住故與第六菩陀依名非相應不造惡業感苦因故仍受宿業殘若  
報故與彼第七適悅依名非相應以離靜慮貪定樂故而有清淨離  
染定樂非不相應太言後不相應結非相應此身豈有非不相應故  
云與餘依非相應非不相應

論本地分中無餘依地第十七

記曰此辯即前地所除者是義准前知釋論解云謂無餘依涅槃地  
也一切有漏餘依皆捨二乘有為無漏亦捨如來雖有有為無漏而  
無一切有漏餘依故亦說名無餘依地 論如是已說至菩薩地  
記曰文中初結前生後開列三章後依章釋云五地一分即此地攝  
者無心地中通攝無心定及涅槃今但攝無餘依地脩所成地中亦

取無餘涅槃由脩惠得是脩果故脩所成地攝也三乘皆通無餘此  
義可解五識相應等十一地皆是有心性故不通無餘也又於此中  
以約三乘無餘通說故但說有五地一分若據如來亦有無尋無伺  
地等餘地又釋識之與意俱有漏故佛地不說五識意地及定散地  
等 論云何寂滅至辟如燈滅盡 記曰言一數教寂靜者景云無餘  
也教是言教也於無餘依中並皆息也二一切依寂靜者景云無餘  
界中離前八依名依寂靜泰云依是身之異名又是有漏之異名三  
依依苦寂靜者景云依前八依所生衆苦亦得永滅泰云身名為依  
苦依中身名依依苦四依依苦生疑慮者景云謂依八依生苦疑慮  
無餘中無泰云依依苦同前凡夫學人及無學人慮未來苦為生不  
生由無下劣心等頌者引於經說前二句能證二涅槃因第三句是

有餘果第四句是無餘果 論云何無損惱至真無漏界 記曰云  
謂與一切依不相應乃至真無漏界者景云依損論明六種轉依今  
時所并即是果圓滿轉轉前八依煩惱及苦所顯真如無漏界 論  
如說甚善至有等生起 記曰下引二經為證如說甚善永寂滅名  
真安樂住者無餘涅槃名永寂靜真安樂住又如說言實有無生乃  
至無等生起者實有無餘圓成實妙泰云無等者無為之法無與等  
者亦有乃至有等生起者由迷無餘進起因緣有生有起依他起性  
論者當無有至有永出離 記曰下反解若無所迷無餘終不說有  
依他生起乃至有永出離即是經說若無如來藏不得種苦由實有  
乃至有永出離者順結云是經說從無住本立一切法 論世尊依  
此至施設安立 記曰三數不能數無二說故名為無數者泰云不  
為數之所數又無差別二說故云說也謂有非有不可說者真如無



相離言性不可說有及以非有言即色離色不可說故者色礙如不礙不可說即即色弁如故不說離乃至即識離識不可說義例前應知論云何寂至施設安立記曰寂滅異門者若依小乘有其八名名斷名無斷名滅名諦名斷知名沙門果名有餘涅槃名無餘涅槃今大乘中當知寂滅異名無量今但略弁二十六種如文可見也

瑜伽論記卷第十